

南社叢選

19



貫成署





中華民國三十四年

由國家圖書館數位化、典藏

南社叢書

詩選卷九

涇縣胡韞玉樸安選錄

摩西詩選

黃人字摩西江蘇常熟人今錄詩八首

久別離用太白韻

少年輕薄不思家。雕闌閒殺芙蓉花。花開花復落。對花發深嗟。抱琴欲彈琴絃絕。當機絲亂不得結。別時春風今飛雪。天涯到處多歌臺。東停西泊無人催。催君兮君不應。但望江上雙鯉傳書來。書來君不來。淚痕相間斑如苔。

蕩子經年不到家。妝臺日日辭菱花。紅顏應憔悴。見之空生嗟。螺黛塵封采筆絕。眉鎖難開腸又結。只恐相逢鬢成雪。夜深無夢到楚臺。白日倦臥嗔人催。門外兮犬吠。起坐驚喜疑是君歸來。畢竟有誰來。沈沈三徑埋蒼苔。

長相思和太白韻

翠帷淡蕩籠秋烟。玉肌涼擁青琴眠。幾時縲得同功繭。替君柱上重安絃。絃斷可續心難傳。幽蘭操罷人渺然。寒風動樹星滿天。君爲出山草。儂是在山泉。願將泉化淚。隨君流到君門前。

銀缸影淡秋滿堂。井梧一葉飄銀牀。雲鬢貼枕嬌夢亂。珠蘭茉莉爲誰香。幽花啼欲斷。明月照不來。闌干十二曲。倚處盡生苔。右詩爲先生十五年前之作學太白得其神髓久藏篋衍最愛

誦之晚年所作則尤瑰異絕倫今尙待搜求也 樂子記

懷太炎獄中卽和其贈鄒容韻

耳鼓齊迸裂。雷音爆五洲。強權貫覆卵。羣德敗乾餒。泰斗南冠壯。風雲北瑟秋。銅山難論值。何物腐儒頭。

訛言滿蜃市。氣概隘鸚洲。金翅珠凝想。銅顛石作餒。虎須爭頃刻。驥尾亦千秋。屈呂精靈在。秋秋繞筆頭。

題李覺爾秘密結社和同國遺民元韻

瀝血發閔誓。九幽成十洲。別標三位體。須漆萬王頭。心校坤球熱。刀含慧氣秋。蟲叢刺客傳。齷齪只私讎。

假面工啼笑。文明歐米洲。詰家漲魔力。病國奮龍頭。伏甲紅粧健。彌天黑幕秋。拜金與拜火。相守孰恩讎。

獨笑詩選

龐樹松字獨笑江蘇常熟人槩子兄今錄詩八首

槩子書來約游西冷俶裝待發牽率塵事賦此謝之

三郎行李太耶當。一棹清游趁夕陽。我較阿連輸一着。次公那不醒而狂。十年舊夢落西湖。劫後東南滄海枯。此去三茅數晨夕。料來魚鳥定思吾。停雲白石共周旋。飛鞮行踪想若仙。偶住劉樊圖畫裏。山花山鳥總前緣。猿狙作械擁岷嶺。瀕洞風塵過眼看。一滴秋家墳下淚。經天注海盡洑瀾。南屏依舊碧孱顏。先烈祠堂草棘間。往日雄風在何許。夕陽無語下空山。

國家圖書館



002554449

101487-295

石林青壁好亭皋。桃柳陰陰護六橋。到此偷嫌山水淺。人間何地可誅茅。
欲爲靈山一寫真。肯淹朱轂走風塵。歸裝定有新佳句。拾上吳牋野色新。
側身天地等沙鷗。下泮田荒不可求。他日耦耕今日約。白頭吾欲老杭州。
槩子詩選

龐樹柏字槩子江蘇常熟人今錄詩四十七首

九月二十七日遊西山至小雲棲寺

前遊眞隔世。秋老獨重來。坐覺衣移古。行防猿鳥猜。清霜木葉禿。初日山容開。
孤寺無僧影。經幢繡鬼苔。

寒夜臥病聽雨達旦

燈穗寒多落復生。虛堂擁被夢難成。十年慣聽江南雨。不及今宵枕上清。

木瀆寓樓晚眺

孤樓跨溪上。天貺此勝地。四山迤邐開。一一貢席几。東南揖堯峯。濃青撲衣袂。

西北指靈巖。淺黛上眉際。稍遠有天平。竹外露雙髻。相對弄妍姿。宛宛更予媚。
野雲薄日光。水陰吹雨氣。瞬息此憑闌。翠峯忽失翠。乃知天地間。變滅無定理。
吾生何有哉。自嚼孤寒味。

秋晚同稼翁跋韓野外散步有作

招人山色擁烟螺。日晚尋幽踏淺莎。細岸疎花臨水媚。小橋殘柳著秋多。聲來
野塚羣鴉集。影上村牆一犢過。却憶五湖三畝宅。耦耕心事悔蹉跎。

十月初八日遊天平同稼秋公菱鏡若夢柳

溪水媚嫩晴。菰根出瘦觜。有客攜壺觴。相與喚漚侶。溯流達南浜。登岸訪茶隲。
村童爭拊掌。山鳥亦驚語。度林客如雁。一一疎可數。松翠時墜空。衣襪色忽古。
晚楓初著霜。靚於越溪女。何處憩巾屐。危徑通故墅。小閣額兼山。清潭捉僧麈。
茶力健詩脾。酒香養病腑。幽賞斯漸愜。禪味澹堪咀。看山欲忘歸。暮雲翳復吐。

張市至闌干橋

新漲悠悠闊。輕帆故故斜。晨光動楊柳。春色在桃花。水竹孤村靜。魚蔬小市譁。漫憐風物美。三畝足爲家。

舟中夜聞笛聲

春盡橫塘雨。又風昏。燈短被臥孤篷。夢迴何處。數聲笛。却憶楓橋。半夜鐘。

偕陳伯弢丈暨龍慧蛻庵致禾諸子遊破山寺三峯寺遂達拂水巖探劍

門

秋色澹天地。霜氣潤林麓。三五挈吟儔。尋幽不厭數。筇輿度斜磴。一一鳥飛逐。名藍訪破山。賜額易興福。撥蘚捫殘碑。常建句重讀。通幽有曲逕。猶植千竿竹。葉底透微陽。影上眉宇綠。踞石試山茗。寒泉清可掬。隔澗過樵子。避人如野鹿。相將造三峯。入門且憩足。松間午飯香。甕頭新釀熟。聊嘗世外味。匪但事飲啄。終輸佛供養。孤龕對餅菊。談禪心易寂。登高興復觸。窮探越前崗。奇境豁遊目。巉巖高百尺。危石屹然矗。蒼碧間丹赭。恍若劍華簇。霸圖問何在。煙靄渺難屬。

劍門相傳爲吳王闔廬試劍處。東西望澄湖蔽天起。雁鷺偃仰一嘯歌。空響答深谷。晚風催人歸。蕭蕭振落木。

祝潮家兄招飲席間潘質齋先生出示新詩依韻奉和

側帽孤吟氣不春。却來尊底認衣塵。歲寒兄弟能相過。灰死文章尙有神。臘鼓驚心催老大。盆枝照眼愧清貧。酒懷空闊殘年盡。起視悠悠世態新。

吳門梁谿紀遊襍詩

樂台夢影尙堪描。一日清游不寂寥。斷碣野烟五人墓。短篷春月半塘橋。吳門佳勝

萃於山塘俠士麗人均足爲山水生色

花草三生住虎丘。藥爐茗碗證雙修。看山且上長離閣。休問盈盈一水樓。家兄攜姬

人賃居寶園街地近虎丘自額妝樓曰小長離閣

香水谿邊聽權歌。虎山橋外曉寒多。無端孤負梅花約。檀板金尊喚奈何。擬刺舟游

鄂尉以事未果

梁谿清麗似琴川。瑟瑟春波載畫船。人在四圍晴翠裏。石銚松火品新泉。惠山泉爲天下名泉之一

碧嶂通環石逕斜。丹青古廟暮烟遮。如何五里香塍路。吹殺春風不見花。近惠山有

坊題五里香塍四字

風物銷魂又一春。渡頭柳比酒痕新。今番側帽行吟去。忽憶當年顧舍人。顧梁汾貞

觀無錫人能詩工樂府

遊惠山過張睢陽廟

遺廟千秋在。丹青夕照中。地知經幾劫。天遣作雙忠。草木孤城淚。江淮絕代功。莫談南八事。愛妾亦英雄。

鵝鵝行爲邑中貞烈嚴毛氏作

南方有鵝鵝。錦翼何離披。千年誓共命。千里不分飛。東海有毛女。十五顏如脂。生小儉梳妝。綺羅都不知。十七愈窈窕。天緣託良媒。郎君貌英英。門戶復相宜。

廿齡失阿母。對壁長號啼。鄰家姊妹行。入門來呼攜。輕衫杏子色。低鬟花朵垂。殷勤牽女袖。勸女勿傷悲。女心更慘切。女身誰護持。終朝淚洗面。不出中間圍。守身潔於玉。居處無人窺。夫家聞女賢。央媒前致辭。六禮燦然備。聘錢穿青絲。佳期正三五。催粧可結褵。母屍猶未寒。玳梁忍雙棲。遂爲待年婦。低頭羞不支。藥砧雖未識。慈姑如母慈。上堂拜慈姑。伶仃得所依。宛宛學新婦。進退有容儀。朝來入中廚。爲姑治晨炊。向夕汲升泉。爲姑洗裙袿。黃昏一室內。篝鐙寒氣圍。姑坐作鍼黹。郎讀聲透扉。何聲助郎讀。軋軋鳴鴛機。漏盡不得息。往往聞曉雞。茹荼兼啖檠。荼檠甘如飴。慈姑暗歎息。里黨同嗟咨。嚴氏福未艾。自此光門楣。人事有不測。郎病忽瀕危。裁我機上布。爲郎延高醫。拔我髻上釵。爲郎換袴著。醫藥總無靈。沈憂終身罹。慈姑憐女憂。掩淚遣女歸。女歸亦無家。姑命不可違。此心似磐石。去住終難移。悽悽對孤影。悵悵忘朝飢。中宵得哀耗。纖趺遽奔馳。拊棺一慟哭。自慟來何遲。誓死不復去。血淚斑麻衣。昔日各衾枕。今朝共靈幃。

一尊奠清醑。尙得稱齊眉。黃泉路匪遙。早晚相追隨。哀怨填胸臆。二旬進勺糜。女顏昔如脂。枯瘠今成鰥。九十有二日。簪笄未嘗施。自憐薄命人。與世久若遺。含笑入地下。夫婦如初期。雙魂化鵝鳥。長住西山隈。

石梅講舍坐雨

山館自幽寥。鄰院梵初歇。隱几學苦吟。禪味勝茶悅。硯色流寒雲。茶乳沸瑤雪。時聞疎雨響。竹石共清絕。

澄塘烟雨屬伽藍作圖

水荳花發新漲足。鷓鴣鵲自飛。逐河陽山色。青如烟浪。澄塘水碧。於玉細雨斜風時。斷續白蘋香裏。一蓑綠。好借南村放鴨船。去唱東湖采蓴曲。

雨舟偶成

濛濛水雲裏。一櫂過湖濱。空翠浮吟袖。微風穩釣綸。鴨鳴村外雨。魚唼岸邊蘋。滿眼滄洲趣。牽茅好卜鄰。

夜泊劉神廟前大風雨

湖氣夜冥冥。孤篷此暫停。風雷趨大壑。山雨瀉前汀。古廟神絃寂。幽篁鬼火青。船窗燈早滅。水面有龍腥。

讀陳涉世家

博士宮中稱壽日。傭夫壟上輟耕時。無端一段風雲氣。燕雀紛紛那得知。篝火狐鳴大澤中。沈沈夥涉志非雄。世家莫詫龍門筆。要是亡秦第一功。

上已雨中社集愚園

啼鴉聲中上已過。天涯一樣奈愁何。重來草草流觴地。誰倚瀟瀟暮雨歌。襟上十年交酒淚。花前幾輩遡山河。休言佳興銷磨盡。如此風光恐不多。

西冷雜詠八首

一角湖山劫外支。重來楊柳尙如絲。鷓啼鶴去年年恨。還詠尙書雜感詩。錢蒙西

湖雜感詩有孤山鶴去花如雪。葛嶺鷓啼月似霜句。

香鈿暖翠未飄零。花路爭傳玉輦經。舊日雄風又何在。夕陽紅上御碑亭。舊行宮改

建公園春來游事甚盛

塔影亭亭似美人。誰憐無語傍東鄰。我來別有樊川感。綠葉成陰又一春。

故山香火至今存。碧草離離帶夕曛。休道英雄輸老佛。美人多上岳王墳。光復後岳

鄂王祠墓修葺一新

三烈名題三尺碑。莫將穿塚比要離。此行攜得山陰酒。兩度風雲奠一卮。徐伯孫烈

士墓陳馬二烈士附焉

春社初添五柳陶。新封坏土隔花高。年年寒食宋園路。一樣歸魂不可招。陶煥先

生墓近始竣工經營葬事者爲陶社中人

鑑湖靈氣在人間。一櫂西泠載恨還。風雨秋家亭子下。落花哭罷哭江山。鑑湖女俠

墓東有風雨亭爲秋俠絕命詩紀念也

果然濃澹總相宜。山雨湖晴一霎時。萬歲千秋誰識我。水明樓上獨題詩。在張公祠

水明樓遇風
雨已而放晴

寄懷俞養浩先生

別來雲物起相思。回首滄桑又一時。却外別添新涕淚。花前想見古鬚眉。逃名
儻悔才爲累。畏俗無如酒最宜。老去虞山多勘破。未應還作桂殤詩。先生近喪
一孫頗傷
云悼故

楚儅招飲以病略血謝之

年光終自好。銷向藥煙青。花落寒難忍。樓空雨可聽。嘔心輸李賀。荷鍤媿劉伶。
甚日攀裳去。春風醉綠醞。

雨中見桃花零落有感

落花開事本微。休將病眼惜芳菲。只愁一片春光好。雨裏無端惱惘歸。

甲寅清明

亂花墮絮阻游行。悔向東風祝曉晴。大地卽今還逐鹿。荒臺何處有啼鶯。國殤

欲哭應無淚。鄉夢初醒不計程。自問閒愁堪幾許。人間三十度清明。

寒食思故鄉風景

柳條垂綠草初齊。寒食湖亭酒價低。誰更搖鞭入山去。藤蕪墳上聽鶉啼。

吾鄉西山

有藤蕪君墓即葬柳如是處也

別館卽事四首

別館重逢更漏長。從前辛苦可能償。溫雲柔雨情方切。濁水污泥恨豈忘。軟語夜闌如有會。纖腰春後不禁量。生來嬌小吳宮種。祇許輕憐未許狂。

衝煙犯月桂堂東。幾度幽期獨過從。爲試嬌嗔輕戲謔。偶思好夢易朦朧。頸痕羞被迴燈見。頰暈猶勝薄酒烘。自笑書生貧病久。痴情除却百無功。

海北歡踪一夕疏。累他擁髻守燈孤。心堅自佩連環玉。歌好誰償百琲珠。檢點淺深新淚迹。較量肥瘦舊眉圖。溫存半晌相偎處。怕問宵深去也無。

百就千闌爲鈿盟。幾曾真個解逢迎。猜疑盡滅關恩分。憂患能通見性情。不敢

怨郎還怨命。相要呼妹莫呼名。他年無分藏金屋。紙閣蘆簾過一生。

病鶴避暑小雲棲寺拏舟訪之留贈一首

大火流金苦久晴。招涼地僻有誰爭。象於幻處看雲物。心到虛時聽水聲。猿鶴
山中猶未老。風波世上不能驚。十年秋夢三生石。知隔蓬萊第幾程。病鶴有石屋尋夢圖

甲寅人日寄沈丈石友

最難此日不陰時。雁後花前繫所思。猶見末光馳北陸。時尚未立春早傳春意動南
枝。圖翻破陣空餘劫。餅說薰天未療飢。遙想家山風信至。登高望寄草堂詩。

君磐於歲暮赴湘不及送別賦此寄之步前韻

人生幾見別離時。日短天寒發遠思。鳴北杜鵑空有血。巢南越鳥豈無枝。隨身
竿木原逃世。撐腹詩書不救飢。此去煙波千里闊。何妨投贈汨羅詩。

立春和匪石韻

江鄉春到不禁寒。劫外風光上筆端。欲動葭灰回帝律。爭誇綵勝挂臣冠。魚龍

作戲終歸幻。雞犬昇天本未難。只惜年華催老大。南枝乍發半摧殘。

朱舜水祠落成徵題敬賦

迤邐天步遘陽九。朱明痛失皇綱紐。降表紛紛向虜投。奇節錚錚問誰守。卓惟

姚江舜水翁。國亡家破更途窮。避來風雨舟山下。引光元年詔徵舜水不就授

職方清吏司郎中監方國安歷盡波濤滄海東。崎嶇九死欲何事。慷慨書生能

好義擊楫常存士雅心。乞師獨灑包胥淚。舜水嘗三至日本欲乞外援迴天無

力心不灰。求賢有夢復歸來。魯王嘗欲召還舜水盛國九年三月敕諭聖書永

亡以待蒼雲越嶠空埋恨。白骨金陵又作堆。鄭成功金陵之役舜水寄書畢竟

此生恥秦帝。忍學魯連蹈海計。薇蕨誰憐劫後身。搏桑別有人間世。清既蕩一

仍至日本德川藩主稱禮賢。水戶羣趨作杏壇。居陋自開新學派。待終猶保舊

衣冠。水藩主德川光國聘舜水為賓師東人多執贊事之舜水平居講學是非

嘗謂德川曰吾藉公眷顧養志守節於今胡運已遷改。瑞龍山麓豐碑在。舜水

以保明室衣冠感恩浴德莫大焉

儒禮葬於常陸瑞龍山下至今完存故國應招化鶴魂遠人尙仰淩雲采山陰有老慕前修磊落

孤懷爲闡幽

謂湯螯老

爭看丹青崇廟貌共陳籩豆薦寒羞同志艱貞知有幾客星

山人曰張斐允堪配食到千秋頑夫以廉懦夫起

張斐字非文自號客星山人慕舜水高義追踪至長崎聞

其死爲文祭之又乞援德川亦不獲命而去不知所終

邀寒瓊濱虹蛻公晚酌

三士連翩至蕭齋接古歡瓶花如影瘦江雨入春寒話舊堪消醉逃時且抱殘

明朝遠行客衣上酒痕看

寒瓊明日赴山左

蛻公詩選

蕭蛻字蛻公江蘇常熟人今錄詩二首

東陳集南

落落陳驚坐神交十載前匡時逾漢策高唱滿吳天花月詞人淚風塵烈士年
憑將一樽酒幽獨慰嬋娟

徐園追祭宋遜初先生是日陰雨慘晦感而有作

毒。蠶。淹。晝。昏。羲。和。不。成。照。江。聲。亂。新。漲。春。色。迷。遠。燒。卉。木。黯。光。華。山。溪。闕。清。妙。
相。彼。天。地。心。豈。爲。蒼。生。弔。憶。昔。癸。丑。春。五。族。徽。騰。掉。虎。觀。論。洋。溢。鱗。閣。光。炳。耀。
巨。慙。竊。國。柄。羣。材。璧。馬。鈞。韓。非。知。說。難。賈。生。病。年。少。捐。茲。七。尺。軀。任。付。羣。兒。笑。
神。龍。故。淵。潛。威。鳳。遂。雲。嘯。瓶。罄。增。豐。恥。絃。絕。悲。琴。調。虎。豹。臨。九。關。椽。人。無。餘。噍。
哀。痛。滿。江。南。儻。赴。巫。陽。召。漠。漠。吳。淞。波。蒼。蒼。武。陵。嶠。靈。旗。兩。國。矚。淚。血。當。告。燎。
昨。日。雲。氣。惡。赤。燄。動。危。眺。謂。是。著。書。廬。腥。風。鼓。一。燭。焚。巢。及。毀。卵。歷。禩。周。歲。曜。
煩。冤。蒸。肅。殺。神。怒。若。相。詔。巍巍。當。塗。高。股。肱。不。可。療。焉。知。魏。其。魂。不。作。大。鳥。叫。
世。事。勿。復。言。吾。生。誠。難。料。乘。時。赴。運。會。榮。名。等。蓬。漂。君。看。宋。公。園。何。殊。屈。原。廟。
劍。華。詩。選

俞鐔字劍華江蘇太倉人今錄詩三十八首

無題四首

天上人間兩不知。枉他眼意與心期。荆王豈有高唐夢。宋玉偷傳神女詞。難得
鞭。翻。搔。背。意。可。能。歌。動。悅。君。思。紅。牋。疊。盡。愁。無。語。底。事。翻。教。鸚。鵡。疑。
依。稀。故。態。識。狂。奴。想。像。深。居。屬。小。姑。滿。擬。松。脂。成。琥。珀。誰。知。鐵。網。引。珊。瑚。夢。回。
夜。雨。驚。飄。瓦。眼。泣。春。波。怨。墮。珠。贏。得。平。生。多。少。恨。祇。緣。錯。認。白。雲。夫。
露。冷。天。高。風。欲。鳴。美。人。朱。閣。不。勝。情。乍。看。雲。氣。遮。明。月。豈。訝。塵。心。污。太。清。靜。夜。
莫。聞。啼。碧。樹。紅。釭。猶。憶。醉。銀。箏。寒。蛩。爭。識。深。閨。意。故。向。窗。前。作。怨。聲。
綠。鬢。紅。塵。舊。歲。華。不。堪。江。上。弄。琵琶。蜀。魂。休。怨。漢。宮。月。秦。客。豈。迷。吳。苑。花。桐。樹。
千。尋。惟。引。鳳。柘。彈。百。尺。莫。棲。鴉。當。年。應。自。笑。癡。絕。爭。向。人。前。着。意。誇。

無題十首

鈿。雀。銀。蟬。雙。股。釵。踏。青。新。試。鳳。頭。鞋。花。鬢。柳。眼。迎。人。笑。燕。語。鶯。啼。簇。隊。諧。乍。省。
迷。離。來。月。殿。是。誰。綽。約。拜。雲。階。綿。綿。今。夕。知。何。夕。惱。亂。情。絲。春。滿。懷。
夾。岸。晴。煙。繞。碧。叢。綠。楊。穩。繫。玉。花。驄。嬌。癡。隔。座。情。波。溜。消。息。重。簾。香。篆。通。羅。襪。

空階聲細細。銀鈎小字印。蟲蟲紅塵十丈生。魔劫弱質難禁。擘柳風黃柑雙擘。祝春風。院曉鶯啼小苑東。射覆酒浮銀鑿落。迷藏花舞玉玲瓏。語經猜破羞難吐。詩被催成意未工。齊道一聲歸去也。夕陽斜襯馬蹄紅。君是詩中一世豪。風流我亦冠人曹。三秋泣別吟團扇。雙槳催歸折大刀。腸斷爭如賀梅子。魂銷輸與鄭櫻桃。曉鶯殘月知何處。芳草年年綠漢皋。七夕曾經拜女牛。自憐命薄不風流。彎眉月上相思柳。繞鬢花簪並蒂榴。夢去空餘金帶枕。愁來偷弄玉搔頭。阿環別後青鸞杳。雲鎖深深十二樓。多情原不似微之。可奈前期誤後期。死恨吳娃歌子夜。生憎越客網西施。青衫憔悴樽邊淚。金縷淒涼夢裏詞。聞說江頭潮有信。年年偷拜伍員祠。畫屏香冷博山鑪。情淚珠殷玉唾壺。銀字笙調紅尾鳳。菱花鏡破白頭烏。女兒浦。長相思。樹新婦。磯空十幅蒲。寫盡瓊牋無限恨。別翻新曲唱羅敷。雕欄不見解條八。十里湖光減却春。油壁曾經迎小小。生綃端合畫眞眞。眞紅牙

低按思前度。翠鈿深盟。要後身憔悴。雲鬢長不整。玉妝臺。冒綠絲塵。
羞向紅樓鬪鈿妝。嫦娥笑對合懽牀。蜻蛉早卸釵頭玉。鸚鵡還呼馬上郎。髮薄。
漸嫌梳不勝。腰纖翻訝帶何長。并州快剪真無賴。剪碎機頭雲錦裳。
荒唐雲雨笑襄王。多病心情懶下牀。試問淺深新粉黛。應憐細膩舊風光。望夫。
夢化點頭石。倩女魂飛響屨廊。好謝麻姑相問訊。不堪人世又滄桑。

寄鐵厓檳島兼柬碧君

人許風流自愛才。江湖載酒十年來。難銷綺孽空中語。剩有生涯劫後灰。輕薄。
錯疑魏蝴蝶。清狂誰識賀黃梅。舊游似夢還休說。珍重玫瑰好自栽。

別後寄亞子順訊臥子消息

別後伊家作麼生。天涯消息不分明。閒吟豈惹閨中曲。愁撥琵琶塞外行。潦倒。
祇拚千日醉。風流終負百年情。未須各自成惆悵。好共嬋娟弄玉笙。

庚戌除夕

南
龍蛇殊怪誕。夢回蝴蝶費疑猜。鑪烟遮莫成心字。一片心煙一片灰。

醉歌行

葭管灰飛愁破雲。春魂欲返天猶醺。殘客窮居意不適。短衣來訪李將軍。將軍嗜飲嘗犯夜。拔劍怒吼山靈詫。紅亭日午喜逆余。口講指畫猶叱咤。交車柳下且復言。此邦酒兵紛集如雲屯。說霸爭王各不讓。龍拏虎跳且復昏。人生於茲合沉醉。胡爲長愁自殄瘁。我本高陽舊酒徒。一聞流涎滿口糊。相將笑索酒家去。但見密圍四座正歡呼。將軍爲我一道姓氏。爭拉入席提壺虛。拍張叫號徐與楮。喧呶不知作何語。仰天大笑陸士龍。鸚鵡橫飛一斗稱快舉南山。老翁與尤豪。醇醪公瑾。哇亦老饕。據鞍矍鑠空餘子。掀髯一飲話滔滔。我與將軍互邀擊。藏鈎射覆亦勁敵。未知其趣有虎頭。嚴糾觴政令如律。排日臙騰作酒狂。不知身處是何鄉。一客曰胥塘。一客曰魏塘。魏塘與胥塘。出處俱渺茫。南山舉

笑而起。云直漢之酒泉耳。公瑾昂頭云胡不竟名酒城。衆人拍手皆曰是。獨余奮臂大呼興乎來。酒泉酒城何小哉。號曰酒國甯不該。南山其帝是國稱釀王。將使尙書公瑾虎頭監。將軍好將酒兵陣四方。而我庶幾爲關者。郊鈞天矣祀杜康。陶陶兀兀樂未央。莫問醒世蠅頭蝸角幾百春秋幾戰場。

島南雜詩

祇憑握手致親情。到處逢迎醉老兵。偶坐相看无一語。臨行還笑兩三聲。僑人鮮通

國語見時唯握手爲禮飲以紅冰

對襟衫子稱身裁。隱約酥胸玉雪堆。點點疎星天欲曉。兩三結伴踏風來。婦女多着

對襟單衣長才及腰頗不雅觀破曉則多逐伴行遊街市中

絕憐舊客驕新客。竟認他鄉作故鄉。知否爾宗來日意。原羞左衽拜蠻王。

咫尺東牆低不阻。碧雲移蔭客窗秋。瓊花爛熳憑誰主。紅是相思綠是愁。隔鄰芭蕉

數叢逼近窗戶瓊花盛開顏色嬌絕

叢綠陰濃不死天。迦陵仙舌弄輕圓。閒依赤水三珠樹。却夢靈光千葉蓮。

士民無知

是醒是醉是渾屯。可是謹頭不死民。日暮涼風動深樹。梵聲唱徹海天春。

覺性佞佛向晚多誦經高聲徹天

明燈羯鼓簇新郎。何事周行演武場。幾輩親朋前致賀。懽歌跳躍氣如狂。

觀阿刺伯

禮人婚

蛾眉窈窕氣如蘭。豆蔻芳年別有懽。好是河陽情思減。相逢只作畫圖看。爲誰歌哭爲誰癡。自有閒愁自不知。三五清圓明月夜。赤闌橋畔立多時。

十年搖落感蘭成。詞賦江關氣未平。最是夜深眠不得。空梁軋軋子宮鳴。

館中多子

宮入夜軋軋亂鳴聲頗似促織

蠻雨蕭蕭正鬱陶。挑燈夜半讀離騷。搵將一掬傷心淚。灑向秋江作怒濤。總是深深劫未除。天涯長使氣盤紆。高丘有女難同載。南北東西竟獨徂。晝苦炎炎夜苦寒。愁多况乃病衰殘。此身倘有生還日。好作輪迴一度看。

彩筆曾題白練裙。別來衣袖尙氤氳。月明海角無清唱。繡被香濃憶鄂君。夜憶春航

瑤華自是異凡胎。差喜孺兒未易才。惹得阿嬈懷抱惡。且休頻喚爾翁來。內子書來

謂阿瓊日呼阿爺歲暮得歸來否悵然書此

和小柳答際公韻

假息人爭笑釜魚。身無健翮欲焉如。荒階露井蛩吟遍。剩水殘山鼠竊餘。江月不隨塵事改。酒杯長與世情疏。百城信美非吾土。何似成都四壁居。

重九同子實樸庵小柳亞韓合影即題一律倒用前韻

移得南村鏡裏居。雲萍不隔俗塵疏。定知此會何時再。只怕相逢又劫餘。麴部我猶從事比。松根人亦大夫如。青鞋布襪歸來未。可要官湖學種魚。

和小柳思歸韻

鷓鴣牆陰促漏殘。幾番鄉夢落征鞍。浪游不信秋來倦。久客應知歲暮寒。臘有愁腸成九折。更無笑口向長安。霜林漸覺西風緊。墮葉紛紛可忍看。

海上

縹渺樓臺傍水懸。定知海上駐神仙。投壺電息櫻桃帳。挹袖雲生玳瑁筵。九錫承恩花有主。一丸長逝藥無緣。傳杯漫倚雙成管。買絹先應織麗娟。

樸庵晦庵同還滬上賦此誌別并柬小柳

遙天風緊雁啣蘆。賦別江郎淚眼枯。愁入湘江迎帝子。欲從滄海問麻姑。同舟却異來時伴。樸庵來閩時與余偕獨客應憐後夜孤。寄語南昌陶小柳。新詩還唱比紅無。

石予詩選

胡蘊字石予江蘇崑山人今錄詩五十一首

雜詩

惟田有稷黍。雨露資涵濡。芃芃育疇畝。膏澤焉可無。惟心亦猶是。涵濡之以書。乍旱苗欲槁。大渴田且蕪。晨夕事漑灌。積瘁功非虛。太息古道微。世多笑爲迂。哲人去不遠。百代猶一宿。鼎鼎傳世名。甯不見可欲。溯彼夙夜劬。布帛而粟菽。

風雨絲古今。乃歎斯人獨。畢然跂前修。白雲莽空谷。

北風

撼屋北風勁。孤燈影欲殘。雪方消臘去。春再鋼花寒。一雨便旬日。好山未與看。閒吟增感慨。客意莽無端。

近感

落盡梅花散碧烟。小窗吟客意留連。半床月色春猶冷。一枕鄉心老自憐。桑海難言天下事。桃源欲訪洞中仙。殘宵無寐神思倦。哀角聲聲欲曙天。悵觸無端夢一場。遐思疇昔寄江鄉。偶依牛迹循春陌。時有鳥聲喚夕陽。豆葉雨肥連畝綠。菜花風暖襲衣香。野人門巷今猶是。晝靄東皋十畝桑。

西風

西風橫截北來雨。一冷平開萬里晴。無奈好花半零謝。所餘殘豔入清明。亂堆書卷愁難理。常伴湖山計未成。自恨春來常懶起。喜聞曉鳥喚聲聲。

草堂

草堂風物自清腴。濃綠深青蔬一區。日月最長此田野。親朋相約共耕鉏。常存癡想先人儉。別有傷懷願子愚。陸陸飢驅猶未已。百年魂夢落江湖。

草橋

草橋風日近清明。楊柳依依綠滿城。有客贈書易晝去。幾人攜酒放舟行。火爐暖試春宵浴。蘭室香開永晝晴。剩有清愁銷不了。暮雲低壓遠山平。

秋感四首

鬱鬱寥寥睨大荒。漫將光氣屬文章。白華久廢思君子。黃菊重開看夕陽。山閣雲橫秋氣老。江城風灑石頭涼。一鐙欲燼昏無影。鐘漏漫漫覺夜長。霜楓初墮亂紅飛。騷屑秋聲動客思。壘塊難澆空有酒。河山憑弔欲無詩。年豐父老猶愁歎。世變伊誰任轉移。敦勉鄉村佳子弟。艱難稼穡要先知。亂壓詩懷與酒懷。西風吹客一登臺。看山直到夕陽下。觀世尤悲近日來。生計

己難猶恥儉。人心欲死未聞哀。空庭積雨朝來霽。零亂秋紅委綠苔。

遷流詞客淒涼句。燈下重看欲睡難。

近得天
遠詩

猿嘯一聲秋實落。蛩吟徹夜露華

寒。眼看滄海流方橫。身在江湖夢未安。殘綠蕭騷生意歇。幾株疏柳映闌干。

哭漁父先生

同爲蒼生哭。誰先天下憂。網緼喪元氣。風雨黯成秋。愛國不應爾。斯人非有仇。此心偏不諒。莽莽古今愁。

旅行杭州初入運河

坐看平疇遠。接天運河兩岸翠。雲環曉風初。大颼颼冷。殘夢相扶故故閑。是日
丑初
即起既登舟
人多欲睡船檻有時濺。白浪橋門偶一見。青山前遊記訪澹臺墓。一碧晴湖放棹還。

抵嘉興

日中忽已昃。轉入嘉興道。市集頗繁盛。一望未能了。鼓輪入市河。河身漸覺小。

水湧如潮船逼岸。爭先上岸人聲亂。船娘勸登煙雨樓。殷殷語客聲聲喚。

過臨平

迅電流光三載間。再遊勝地百憂刪。舟來禾郡初違陸。車到臨平不斷山。疏雨已過風亦止。夕陽不見雲未還。明朝正欲天陰乞。來看羣峯濕翠鬟。

記遊

烟林遠望鬱青蒼。虎阜新成擁翠莊。茅店一旗臨野渡。花農百戶占山塘。蠶初眠候桑全綠。燕乍飛來麥未黃。古佛荒菴坦腹坐。看人驅策往來忙。迢迢數百里行程。彌望平疇萬綠生。小集幾家殊得地。遠山一帶未知名。感思塵事閒多味。倦聽車聲睡易成。悟得習勤腰脚健。試看田叟尙親耕。轆轤繁聲震地前。丹陽西去衆山連。一車入洞蛇穿穴。百丈騰煙龍上天。雄飲思沽京口酒。雋遊待訪中泠泉。春寒最慮瀟瀟雨。笠屐踉蹌憶昔年。微雨初收斜日西。龍潭在望壓雲低。幾團破屋依巖結。萬畝春田帶水犁。牝犬

護兒眠土窟。童牛隨母飲山溪。還看高隴兩三處。一碧油油麥秀齊。

東風吹暖步南關。急雨初收落日殷。萬斛塵埃膠沃土。一堆烟靄淡鍾山。客吟
白下詩三次。樹掩青溪水一彎。弱柳柔桑春正好。誰家亭子綠陰環。

林淨溪明古道旁。萬人回首此山莊。百年擾擾乾坤黯。十畝閑閑歲月長。人物
六朝思往事。鶯花三月惜春光。復成橋畔前游記。僕僕風塵又夕陽。

滿口塵沙萬頸延。廣場三日立風前。絕無暇晷探名勝。別有閒情搜簡編。鍾阜
晚晴看更近。孝陵重謁待來年。還憐幕府山頭約。坐失良游一惘然。子衡蔭甘約遊幕府

山不獲從也

幾人入座笑相招。乘興同來訪酒寮。燦燦星光猶溼月。煌煌燈火不知宵。街衢
列肆花成市。車馬騰聲夜起潮。依舊南都官宦地。春風容易劫灰銷。

雜詩二十八首

蕭寂年頭未出門。銅鑪香燼易黃昏。草堂詩卷田間語。細雨梅花溪上邨。流水

一灣春自至。東風三日雪無痕。幾多感慨家鄉事。付與山窗酒一尊。
春寒十日雪成堆。一度東風凍漸開。名酒細評良燕集。好詩同賞故人來。久除
豪氣時懲醉。垂老餘情賸愛才。頗念草橋蘭數本。十年客裏手親栽。
北風累日作春雪。枯坐無聊淪茗芽。掩卷燈前辨書味。倚樓窗外見梅花。孤吟
清曉仍爲客。薄醉黃昏憶在家。那更關懷天下事。且從田叟說桑麻。
蓬蓬春氣少年場。曾幾何時冷着霜。老境在胸壹淡定。秋風砭骨驚倉皇。編來
詩草刪還惜。夢入梅花醒尙香。收得殘書須自校。眼昏燭暗遣宵長。

衰遲儘有未消福。浪說無錢又買書。雨雪晴初鳥聲樂。柳梅春早客懷舒。綠茶
山館新詩句。紅燭江邨舊草廬。珍重故人貽尺素。他年相約共耕漁。

老境侵尋只自知。宵長又動故鄉思。寒生孤館燈殘後。春在東風雪霽時。山月
偶來窺客夢。梅花可許識余詩。塵勞莽莽殊堪笑。孤負西堂酒一卮。

爾我脩然幽興長。植園憑弔北風涼。殘碑何處埋荒草。廢寺無從問夕陽。看竹

客來多刻字。折梅人過偶聞香。數聲啼鳥各歸去。四野煙圍暮色蒼。

借朱梁任
至植園訪

報國寺碑
徧搜不獲

十載孤吟應笑癡。余懷渺渺夜燈知。蕭寥甯有千秋想。閒適天成一種詩。訪友去宜休沐日。買書歸誤會餐期。梅花齊發流香遠。却好春風入座時。

讀書何事百悲涼。借作消閒計亦良。慣見末流無黑白。偶收舊籍有丹黃。蘭宜受雨春初暖。鐙少留膏夜尙長。十二年來江館客。東風又見綠垂楊。

不定陰晴春醞釀。酒懷吟緒兩茫茫。迴塘已見細流碧。野燒還餘衰草黃。觀畫人欣逢舊雨。訪碑客與話斜陽。植園莫歎多荒落。百樹梅花正吐芳。

萬松寒翠見西山。獨上危樓客自閒。忽地孤衷動盃酒。頓教離恨滿鄉關。十年朋舊如星散。一夕江邨冒雪還。重話去年殘臘事。故應對鏡有愁顏。

漫將燈火卜陰晴。初斷簷前積雨聲。宵靜偶來南院坐。春寒每自北風生。先期培菊重增土。隨意觀梅不出城。還向滄浪亭畔過。綠煙深處有人耕。

那不蕭然摧鬢毛。十年樹已比樓高。吟成偶與破岑寂。時患紛來增鬱陶。夜雨替花開秀萼。東風催客換春袍。忘情太上誠難企。還媿元龍湖海豪。

亂雲初散又東風。水色天光一碧同。草閣人歸春酒綠。溪堂鄉話夜鐙紅。江邨民物凋殘後。菽麥田疇醞釀中。萬事多空惟望歲。無聊意緒入詩筒。

怯寒難遽易春衣。漠漠陰雲淡夕暉。風掠殘梅香。句活雨添新柳綠。初肥得書如妾旁人豔。有酒疑仙醉夢飛。只合狂吟拋世慮。坐消閒日未全非。

夢境愁痕渺若烟。江關樓老一。年年凋。蕭舊雨傷心地。荻川雪廬嘗同客今皆長遊浩蕩春風煦物天。到眼鄉村半荒落。幾家子弟有才賢。郊遊記得無多日。飄盡梅花意

惘然。

無雨依然日日陰。春寒不盡氣蕭森。燈昏未悟觀書久。足冷初知坐夜深。常過

酒家求作畫。漁郎橋酒家偶來詩客寄新吟。青浦沈瘦東以其友贈余之作見寄茫茫塵事多增

慨。臥聽樓頭啼野禽。

城南寥曠類鄉居。有地可耕溪可漁。菜甲怒生見英挺。梅花古致在蕭疎。幾人
閒雅能歌曲。似我荒頑宜讀書。老去私心企休逸。一椽倘許賃蓬廬。
落盡梅花桃李開。小株簇簇喜新栽。春寒瑟縮過十日。鄉夢模糊醉一杯。燈影
隨風化烟去。柝聲穿雨入樓來。欲歸展墓還滯滯。昨夜家書又見催。
初暖東風一棹歸。衆香晴晝散馥馥。萬家綠柳當春媚。十畝紅花得雨肥。野店
客沾桑落酒。破菴僧曬水田衣。蠡斯橋畔徘徊處。芳草萋萋又夕暉。
扁舟重復過南莊。側側輕寒曉有霜。一襲征衣媿塵客。十年尊酒憶茅堂。交詢
後輩逢親舊。再證新詩話海棠。五十初逾腰脚健。壯游何日意蒼茫。
零亂桃花又一年。隔宵初斷雨綿綿。樓高一鷓曝紅日。谿淺雙鳧眠綠煙。南閣
翦燈留客夜。東風飛絮薄寒天。餞春白下應攜酒。飽看青山江上船。時將有秣
陵之役
一瞬行年五十二。半生心迹自閑閑。漸增家口思營屋。偶話游蹤夢看山。青眼
殷勤識佳士。黑頭容易悅慈顏。草堂盃酒餘情話。一月扁舟總一還。

未酒還多意醉時。見山先自目遊之。江山却後寒灰色。花柳春仍頑豔姿。浩蕩
雲天孤鶴老。縱橫風雨百鷗嬉。却言詩思年年好。流水行雲樂自知。
雙燕歸來語屋梁。雨餘苔翠上垣牆。春羹滑滑湖蕪紫。夕院沈沈山月黃。塵夢
隨詩同冷淡。孤懷入酒激蒼涼。田夫樵叟情多古。莽莽乾坤閒話長。

宿靄徐收散碧烟。閒懷聊復付吟篇。魚貪新漲浮池面。鳥悅朝陽噪樹顛。春甕
初開新熟酒。衿衣猶怯嫩寒天。故鄉諒亦常無事。未見家書到一箋。
柳絮飛殘春晝長。小園舒適步回翔。甕儲雪水煎茶潔。袖拂松花散粉香。梁燕
遲歸初月白。林鴉聲緩夕陽黃。故人折柬來相約。餞別芳春餘草堂。
能閒隨處是仙鄉。擾擾塵勞亦自忘。燈火夜吟詩有味。林亭曉步樹生香。宵聞
風雨多寒夢。春在湖山幾夕陽。自笑未能消結習。老來猶喜買書藏。

天遂詩選

余疚儂字天遂江蘇崑山人今錄詩十首

三年五月一日與同學三十三人冒雨登慧山

挈隊登慧山。直上如游龍。雨氣壓山腰。隔斷山重重。騰身入雲霧。四望皆迷濛。
伸手不分指。張口咽寒風。前呼後無聞。薶聲落大洪。風雨自北來。橫入五湖中。
地勢隔江遠。西去愈崇隆。山脈連天目。南來有九峯。此間得勝境。一山傍城雄。
句吳始啓宇。三讓來就封。文化播南方。非係周召功。烟戶萬家深。百業致其工。
人文蔚然起。風尚爲時宗。發源在古先。間氣常獨鍾。煙突凌霄漢。書樓有高鐘。
望眼不能明。烟雲彌太空。長嘯呼羣歸。聽泉復聽松。

憂患

月上高樓夜氣清。頻年憂患暗心驚。海天喜見帆檣影。塵市不聞鐘磬聲。習久
漸諳潮水性。閒來猶有養花情。避人避世兩無意。倦聽風雷起不平。

送金一之湘

怕走京華道。湖湘此壯行。嶺雲逃隴過。江路溯川平。人跡往時杳。山光入夏明。

偷關憂樂計。何以起蒼生。

鴛湖垂釣圖爲湯磷石作

漁叢可以做王侯。風景尤誇烟雨樓。一艇曾經泛西子。不知何處有漁舟。
嚴陵灘下羊裘客。畢竟能教肉眼開。物色高人吾太懶。釣鼇磯上欠徘徊。
息響人間已二年。敢將名字借詩傳。他年倘有相知日。共話茫茫烟水天。

題童子聽琴圖

流水高山曲。黃農虞夏心。鍾期不常遇。童子却知音。

客意

狂風驚地起。萬木盡枯摧。一夜寒霜下。滿庭黃葉堆。鄉心燈下影。客思隴頭梅。
牖戶綢繆未。停雲首欲回。

渡薛澗湖寄亞子

一別吳江路。偏來此泛舟。煙波千頃活。雲樹四圍浮。帆影依天末。浪花拍棹頭。

水天迷望處。滿眼是離愁。

步石予先生送行原韻

無限愁情不老天。銷魂詩句漫題箋。吳門風雨今三載。馬帳笙歌舊念年。身世最憐趨俗慣。心期最恨有家牽。阿儂此去真豪放。踢破黃河萬里烟。

次韻答鶴雛見贈之作

海天夜景正沈沈。我有淒懷不自禁。索寞終朝忘納契。繁華此際好談心。交游幾輩非能澹。花事頻年恨已駸。感子襟期能灑落。飄飄衣袂少愁侵。自憐愁緒起無端。世味年來總帶酸。佛子多才君不薄。人情向暖我偏寒。紅燈難愜今宵意。白首甯忘舊日歡。底是有懷拋不得。相逢便喜掬心肝。

了公詩選

楊錫章字了公江蘇華亭人今錄詩九首

龍華看桃花

兩岸桃花齊欲笑。歡迎車上一詩翁。可憐無限胭脂好。染到仙心總不紅。
詠雪

光明態度氣清華。到處勾留是我家。桃李穠姿都遠避。同心數點白梅花。

澆花罐

存心造就衆香國。挹取清流不惜寒。天賜閑閑佳位置。一生活潑住花園。
偶然一擲誤園丁。粉碎虛空性自靈。抱此冰心何所往。來生化作護花鈴。

息影

息影雲山看夕陽。離騷聲裏暈秋光。誰偕秀水尋鱸膾。相對華鬢習蟹行。漾碧
樓臺千柳雨。嫩江菱芡一湖香。沈吟漸悟參差訣。如與散原海藏商。

有感

國色天姿是尹邢。相逢着意鬪娉婷。多情易惹無情惱。露溼花枝紅淚盈。

雜詩

刪削華言賸一觚。此觚一擲付江濤。遙知不共東流逝。鐵爪擎來獨角蛟。
題歲朝圖

燭聲中破萬愁。今朝圖畫豁雙眸。東皇賜遍人間福。竈下羊頭關內侯。
今朝茅舍忽瑤樓。富貴神仙眼底留。三十六宮都是幻。九天春夢正濃秋。
龍丁詩選

費硯字龍丁江蘇華亭人今錄詩十九首

撫印宗派絕句

溯流小篆須大篆。漢印平方秦漢艱。自古作家不可數。空留名姓在湖山。
姜王吾趙文何後。勝國傑起周櫟園。丁黃奚蔣樹赤幟。兩京遺法探窮源。
完白山民書秦碑。刊印直是瑯琊臺。此君筆力可擯鼎。篆隸於今學者師。
蘇伐羅吉蘇伐羅。四家而外真那伽。佛火療饑晨露飲。五七字句證維摩。
竹里老人好金石。考據精確字蹟鮮。手自裝訂一萬冊。等閒兵燹付雲煙。

悲盦臨池追摩崖。刻畫金石如錐沙。邊識小字清且古。五百造像不足誇。
胡鼻山與錢叔蓋。漢鑄漢鑿皆天然。海上繼者蔣幼節。曇花一現真可憐。
襄海章法殊婀娜。天發神讖是廼師。怪者有時能切玉。鋪砂撥蠟任所之。
百鍊老鐵圓且潤。治印能爲席上珍。塲瓦錢幣式新異。虎符漢節皆成文。
湖州老缶古籀古。邈碣摩挲千百回。秦鏃漢章又元截。奏刀一一驚風雷。

春愁秋怨詞 并序

梅顏笑盡春闌枝。頭菊淚啼殘。霜高籬畔。年華逝兮。容華傷春復愁兮。
秋復怨。雖綠波春水與你無干。然白露秋葭。伊人宛在。爰伸繭紙顛倒。
錯襟而爲題。漫咏閨詞。香草芳芷。以寄意。

翠被香留愁夜短。玉壺漏盡怯更殘。陽春此後難消遣。倦繡停鍼。怎奈安。
春愁如霧復如煙。春意模糊欲暮天。濁酒解愁愁解否。解愁不得反愁牽。
春愁草色迷離柳色稠。王孫何處覓封侯。儂心擬逐桃花水。流向河邊說與鳩。
春怨

花信番番咄咄空。夕陽無語怨東風。從知春是添愁種。銷盡年華在箇中。怨春
金井梧桐轉蠅蠶。秋風容易到庭燕。多情纖月來相照。知否今吾便故吾。愁秋
細雨廉纖滴到明。芭蕉葉葉訴愁聲。秋蟲也識閨中意。嗚咽階前不敢鳴。秋愁
翦翦金風隔院吹。晝涼人靜漏遲遲。捲簾怕對黃花瘦。人與黃花霜雪欺。秋怨
紅葉飄零景已非。御溝舊事夢依稀。愁深怨對鴛鴦說。不許池頭宿與飛。怨秋

甲寅九秋同人集金石書畫會於西泠印社適四照亭落成占此黏壁

西泠橋畔水泠泠。坐愛孤山四照亭。社結十年昌頡籀。泉留一滴潤瓊瑛。登然

屐響忻鄰友。河井仙郎自日本來與會偶爾形忘戀舊盟。謂定侯立盡斜陽秋已晚。黃華老大

笑顏醒。

鷓鴣詩選

姚錫鈞字雄伯號鷓鴣汪蘇華亭人今錄詩八十六首

論詩絕句

忽忽浮生感於哀樂典籍陶寫時遇同心爰仿遺山之例成如千篇斷
自近代其前人所已及與乎臭味差池者咸不復道也

鳳靡鸞吡事豈真京華顛頓獨斯人驚心聽到洪侯語貧過中年病却春黃兩當仲

氏則

豔骨奇情獨此才時聞警欬動風雷論心肯下西江拜却共楊劉入座來裴定庵璉

氏人

篆刻蟲雕笑壯夫鑿山鑄鐵歎陽湖君詩甌北有鑿山鑄鐵之評伯仁豈敢輕江左絕歎嫖

姚有霸圖大興舒鐵雲位

一時王駱定誰先沈摯無如鴻雁篇湖湘大水白香亭有鴻雁篇解識太羹立酒味陶琴自

古已無絃湘潭鄧輔綸彌之王壬秋闈運

大蘇奔放黃九鍊并爲斯人風骨健豐城龍劍折磨多銷盡鋒銛猶作氣通州范伯

子肯堂

老吏持衡想見之。公自比漢朝老吏白華一集信多奇。茂陵風雨遺書盡。却遣文君作

餅師。李尊客慈銘公卒後其如夫人貧至售餅自給

信屈微達袁伯業。五言疎雋轉勁絕。齊名當日非等倫。老子韓非詎相契。桐廬袁爽

秋

蠻語婢隅信有無。莎歐奪席雜譏訶。鏡廬老子殊狡獪。歐亞無端冶一鑪。黃公憲度遵

日下才名鬢未霜。闌珊人海閱滄桑。劇憐一副琵琶淚。却爲邯鄲大道娼。樊樊山增

祥彩雲曲有

海內宮商有正聲。瓣香誰爲拜詩盟。庾郎生被清流誤。竟使微雲點太清。鄒海齋

螺洲高隱文章伯。八俊風流碩果存。欲識致光魏闕意。金鑿一記最消魂。侯官陳伯

潛寶琛

早年風概越公兒。晚歲津梁老導師。地下撫軍應張目。剩將大句作雄奇。義甯陳伯立巖三

實甫浩瀚重伯媚。海內詞人孰兩涵。別有師心人不識。心香一瓣爲岩盒。易實甫順

鼎會重伯廣鈞
周公阜維華

放言高論陳同甫。樸學奇才紀曉嵐。稍喜薪傳黃叔度。五言秀句絕江南。章太炎黃

剛季

屯田才調托微波。蘇子深情歷劫磨。一例才人思解脫。齋心學佛似東坡。柳亞子蘇

曼殊

冒郎猛氣狎龍虎。繼起迢迢三百年。最憶深情傳斷句。前遊默數半成烟。冒廣生鶴

亭

笠雲詩學黃雙井。老骨秋筋絕可憐。一集梁園秋後草。斷鴻零雁仗誰傳。汪笠

垣

前人不數崔黃葉。好句應呼林鷓鴣。寥落魏舒出署去。閉門誰省老潛夫。林浚南學

壇坵東南狎主盟。蘭成吐語劇清新。古人冷淡今人笑。愁絕孤吟謝茂秦。某君

懷人詩

懷人之作肇自漢晉。蘇李贈答實爲濫觴。逮後繼作代不乏傑。近則藏園兩當各擅其勝。一則聲情委蛇發伊人江漢之思。一則光芒燭天具金翅巨刃之盛。要於述懷寫意其致一也。壬子之春于役海上。單情寡豫頗慨勞生寒夜挑燈漫有述作。言情率爾遂亦不復銓次云。

寫出寒山鬢已絲。才名三絕畏人知。貞元朝士彫零盡。却作江南老畫師。閩縣林畏

廬先生紆

裘敝京塵感素居。桐江聊得賦歸歎。平生奇俠誰能會。博議初成一尺書。桐城陳劍

潭先生澹然

不見詩人趙倚樓。早年名句遍揚州。玉驄芳草城南路。絕憶春來寂寞遊。

上海趙韻

臣先
世修

恢復周侯奇雅度。平生用世頗自許。捲三萬軸上蘭舟。滿目滄波不知處。

桂林周公

阜維
華

玉貌張郎氣似雲。斜簪散髻自超羣。藕花香滿春如酒。著個羊欣白練裙。

上海張鏡

蓉宗
銜

十年踪迹老蹄輪。握手相看各愴神。等是蘓鱸期未遂。何時合卜草堂鄰。

金山陳道

一陶
怡

共言元叔一悽然。感逝山陽記昔年。且喜詞人家法在。曉風殘月似屯田。

吳江柳亞

子棗
疾

清瘦形容似植鱸。愛閒多病與時違。季鷹爭說知幾早。誰識先生杜德機。

婁縣張伯

賢先
孔瑛

長枕大被家法好。風義軒然見亦少。與君時別時又逢。楊柳一春青未了。華亭姜粟

香世綏

漫翻駿骨許千金。幾見岑苔結契深。解劍贈人憑一諾。愛才獨抱古人心。青澗章漢

秋紀綱

東陽詞筆幾園禪。海內王盧孰後先。不及林侯高隱好。鬢絲風漾落花前。華亭楊幾

園了公魏塘沈道非
礪閩縣林浚南學衡

二年不見汪彭澤。破帽殘衫去孰之。絕憶夜來窗燭底。銀鈎爲寫鷓鴣辭。彭澤汪笠

雲國垣

秋望三首

稻熟黃雲臥水明。秋殘林葉帶霜清。如何袖却凌雲手。閒看熬農度隴行。
息機好及暮年還。谷飲巖棲未是閒。今日倦遊緣底事。霜風吹面對西山。
物外忘形聊閉關。廿年所得是溪山。把茅蓋頂何年辦。着我雲天浩渺間。

得一尺書却寄并示楚儂匪石

江邊風雨人空老。眼底滄桑古所無。勞苦中原二三子。支離憔悴數行書。

寄楚儂卽題其午夢堂卷子

天風夜沸海潮聲。夢斷堂荒鬱古情。愁絕江頭老居士。焚香開卷想分明。
橫流滄海意何如。誰寫詞人遂隄圖。幸是閨梨好才思。疎鴉殘月點分湖。

亞子見示近作依題繼賦

天末伊人溯渺茫。瀝瀆誰續舊遊狂。放翁學杜原無忝。東野于韓詎在傍。較量
眉痕深淺筆。苦隨時世澹穠粧。窮愁我亦低徊甚。小拂箏絃雁幾行。
借子美觀
春航劇

余近多
爲詞

蒼涼水竹舊婆娑。眼底煙雲逐夢過。兩戒河山詞客老。一樽風雨故人多。千回
迴盪猶堪壯。百卷叢殘故不磨。却笑當年歸櫂後。茸南煙月老今吾。

聯車王粲共登樓。壞壁曾題覓舊遊。已仗狂華消道氣。猶堪急酌祓清愁。風雲

逝水人難起。憂患如山醉。豈休問訊江東柳。處士頻年存歿。試回頭。社集愚園雲起樓卽

事二首

江東柳七氣如雲。醉寫羊欣白練裙。揮塵手應如一色。傷春人也瘦三分。用上句

夷甫手柄如玉。事下句用隄定甫詞。春瘦三分人瘦三分句。捲簾未見雲藍影。籠燭同遲步履痕。却笑倦遊

忘未得。春申樓畔幾斜曛。題子美小影去歲余與楚信心俠遲子美於此樓

秋早似蘭生

一夕西風作意寒。袷衣單疊不勝單。芙蓉紅白天初曉。畏靄青蒼露未乾。如此秋光拋可惜。誰能早起與同看。吳江動我扁舟興。葉葉霜楓想正丹。

正月二日試筆

心遠何妨得地偏。南歸袖手對吳天。凌空翔隼高圓外。破寂鳴雞午景前。白下溪流向大靜。紫金山色入春妍。閒中把玩消何物。却辦微吟遣壯年。

乙卯除夕作卽簡滬上諸子

衰柳搖天接暝鴉。層陰作雪晚來加。勞生自歎蘭膏盡。憚俗人憎濁酒賒。隔地歌呼迴短夢。嬉春絃管雜微嗟。煎燈擁鼻還堪遣。負手何人感歲華。

丙辰元日作

城根水落石崢嶸。禿柳枯枝一望橫。描寫春寒須曉吹。破除雪意在微晴。韭盤朋輩扶頭共。爆竹兒童掩耳驚。却要流連風物感。毫端醞釀一詩成。

四日出遊城西作

小梅一白雜嫣紅。獨倚清寒向暮空。疎雨過牆春欲冥。北風迴雪酒無功。低回翠袖禁寒怯。寂寞朱顏破笑同。更許停車覓三影。翦燈索句夜巖崑。

王劍章挽詩

歎逝傷離感已深。忽聞海上絕瑤琴。到心難遣惟哀樂。彈指無端異去今。氣味真憐蛩駟共。遊蹤浪遣歲華侵。傾河注海渾閒語。請寫龜堂此日心。分經橫舍舊齊名。青眼王郎別有情。突兀高文推夙慧。崔巍正氣見平生。推襟

雷義懷初逢。渴肺文園病早成。憔悴杜陵詩筆在。高歌天壤待誰聽。
白門衰柳照煙鬟。扶策同遊未倦還。畫槳明湖紅藕粉。蹇驢側帽紫金山。陽關
折柳。淒迷別行卷。題詩醉醒間。一落京塵吾自媿。六朝掌故看君刪。

消息詞四首

入春多病紙閣獨眠。青奴相對黃嬾偶。攤觸緒迴腸吮毫。寫意詞多連
犴意極低回。僕頭年詩境頗入艱澁。偶然爲此。正如退之確犖。忽化秦
郎薔薇耳項。憶雲曰不爲無益之事。何以遺有涯之生。屬辭和之。是在
同好丙辰一月二十有一日。鶴維偶識。

入春消息托微波。學畫雙蛾意若何。惆悵鬱金堂下望。星辰比似昨宵多。
花事盈盈過早梅。梨花初雪到江南。當簾奩鏡春風細。涼上兒家碧玉簪。
泠泠寒玉過花橋。洗盡燕支色未消。門巷綠陰何處是。悄無人處叫蒲牢。
龍潭涼月薄籠紗。小艇烟波何處家。儂自採蓮歡折柳。不知明日是天涯。

病中作

善病因成聽雨眠。入春風物自蕭然。初花點綴渾成世。一笑遷延不記年。泥轍車聲生磴确。牆根苔氣發幽妍。松身杉臂看看大。安得從人乞下田。

似了公

江風收雨作春寒。野水添瀾耐獨看。顧我嬉春曾獨住。輸君索笑自無端。採蘭贈芍終何奈。借瑣消奇恰未安。安得一樓容負手。未須絲管掃紛難。

題大覺鄉居百絕

王郎詩胆誠奇絕。苦茗回甘耐我思。却似定公初破戒。滿襟清淚渡河時。

自春至夏幽居雜述

獨客江關暮。歸來百感生。芳菲空到眼。跌宕總無名。晚計歸詞賦。殘年更甲兵。小園初料理。愁絕庾蘭成。

論藝餘吾黨。孤行亦可哀。今朝一樽酒。還爲故人開。裾佩相容與。雞豚足往來。

小詩憑削簡。絕倒鬪餘才。

海上黃鱸痛。論交數宋陳。百身原不贖。一暝是完人。天地容無席。江山別有春。栖栖二三子。何事尙勞塵。

柳七風情好。微吟大句俱。聽歌張巨壘。中酒曳長裾。哀樂身空老。消沈事總虛。紅梨好眉樣。爲問入時無。東海騎鯨去。幽燕試馬還。豪情應不減。綺夢一時刪。緘札勞相訊。風塵俱未閒。荒山愁獨影。風雨閉柴關。

卽事效湘綺樓體

一擴虛堂望。蕭寥發我思。玄譚簾勃窣。清照水委匳。絃誦喧中寂。河山劫後悲。暫來還自放。踟躕更何之。

酒後有作似同人

搖搖吳甸合朋樽。鬱鬱松江爲我青。入世孤懷搖欲盡。向人殘抱意微冥。看天

自信雜狂狷。造物與人同醉醒。有約尋秋樓百尺。倚欄斜日悵飄零。

栖栖

坐覺流光溼雨絲。看天忍淚此何時。數峯到眼與搖兀。衆綠及秋相委。客散鬢絲禪榻夢。人吟殘角市樓詩。栖栖鍛羽江湖客。猶許玄亭載酒隨。

雨過

高齋雨過寒生袂。堅坐相看意若何。蛩語微添秋瀕洞。柝聲俱絕夜嵯峨。叢殘挂眼神猶往。絃管當筵感未磨。試共迴鐙期刻意。故應語勝得愁多。

秋夜

讀曲移樽黯自驚。臥聞殘柝起荒城。片雲將月成孤往。曲檻分鐙試散行。合眼江湖飄昨夢。舉頭風雨破微晴。司勳刻意終難到。試叩宮商有正聲。

漫成

騰騰堆鬢遠山霞。歷歷翻衾曉塞笳。飯了茶槍橫舌本。雨餘蝸篆溼苔花。深衣

自照長譚地。大月微窺短世嗟。應許誠齋同刻意。試拈句律鬪槎枒。

惘惘

惘惘秋光入倚欄。江南七月客衣單。卷簾雨氣侵燈潤。繞砌蟲聲逼酒寒。枯坐
向人殊自失。深盃閱世與無端。鬢絲禪榻聯吟夢。更與長康特地看。

日效海藏體詩體卽爲一首懷之

原本山川寫寥廓。流傳神旨振殘篇。誰歟獨往千春上。自吐孤檠萬籟前。物外
清吟還有味。年來國論定誰賢。堂堂殘世烏山在。風雨江樓一惘然。

幾園丈送別至華涇後卽寄

籃輿侵曉出重城。惻惻餘寒着袂輕。世亂民貧堪熟計。天高地迥若爲情。百年
小別斯須地。萬木清秋浩瀟晴。大月幾園孤照處。可堪哦句亂蜚鳴。

雜詩

高踞元龍百尺樓。捲簾白水對梳頭。夕陽都與成疎宕。鬢影茶煙漫不收。

漫把春陰斲畫裳。樓頭微雨十分涼。酒痕淚點分明在。虛費金爐幾篆香。
與了公相約爲七絕賦呈兩章

風神已薄說漁洋。太白龍標始擅場。喚起雲間楊萬里。旗亭畫壁賭殘陽。
狂華客慧兩刪除。風致芙蓉出水初。急與安排相稱事。烏絲研紙女郎書。
咏了公論詞絕句十二首

茶蘼微放快晴時。金線初拋垂柳絲。誰似城南楊夫子。隱囊烏几坐填詞。
玉田微削夢窗腴。柳七風神故不虛。若舍浮華論骨概。龍川一集有誰如。
樓臺側畔楊花過。簾幙中間燕子飛。別有冰心歌水調。新腔一闋惜紅衣。
飛行絕迹定誰俱。七寶樓臺密不疏。區別夢窗和白石。一饒穠緻一清虛。
誰將影事譜鬢天。語似金鈴顆顆圓。想見岳陽樓上客。玉簫吹徹洞龍眠。
修門詞客今誰在。祇有雲門與復堂。語秀眞能奪山綠。律嚴差可比軍行。
半塘已化純常死。海內知音漸寂寥。祇有蘇州漚尹老。解拈新唱付瓊簫。

病起新腔付小紅。蕭疎老子復誰同。會稽三絕流傳遍。第一詞名滿雒中。
竹垞情眇自難同。筆重其年亦易工。燕子不來連月雨。鱗魚如雪一江風。
湖海流傳飲水詞。情深筆眇自多奇。千年骨髓秦淮海。除却斯人那得知。
細秀枯清厲太鴻。行吟側帽自從容。浙中獨服摩奢館。天馬飛行明月中。
自將情思證無邪。老樹無妨試著花。更喚虞山龐處士。細斟小句按胡琴。
佛子詩選

高增字佛子江蘇金山人今錄詩十九首

書憤

當年索靖歎銅駝。大柄誰教授太阿。造得善因收惡果。黃花崗下哭聲多。
強權世界理全淪。小醜乘時作大君。怪底子雲情思好。颺言拜獻美新文。
君介有武林之遊詩以送之

風吹曲院絕纖塵。月印三潭夜色澄。更有蘇堤春報曉。好教倚柳聽鳴鶯。

蘭舟容與小瀛洲。攬勝尋登樓外樓。吟草料應多束筍。歸時與我豁雙眸。分明一幅輞川圖。便倩王維畫得無。如此勝遊疇不羨。惹儂夜夜夢西湖。

新游仙十四章

天風淡蕩月娟娟。縹矣瓊樓景宛然。昨夜忽頒新玉詔。微聞靈闕敍羣仙。瞥見祥雲倦眼開。通明殿上衆仙來。玉皇畢竟憐才甚。問訊殷殷閱幾回。老君清興近何如。兜率宮中足隱居。自道金丹鍊成熟。知他真個返魂無。遽然夢蝶說蒙莊。老睡希夷與倍長。縹緲此鄉應歷遍。不知下界有滄桑。徐市東遊逸興多。三神山下舊經過。歸時便採靈芝草。其奈頑仙沈醉何。丹墀拜罷各趨躡。滿引瓊漿奉上皇。更約后夔司樂典。和聲鳴盛自鏗鏘。瑤池大會慶昇平。玉琖銀壺異樣明。王母歡呼神女笑。九人且喜罷刀兵。桂子飄香撲面過。出遊今喜有姮娥。祇憐月 尚依舊。却減清光爾許多。南箕北斗遙相對。徹夜光明擁紫微。上界諸星無失職。未須糾察立專司。

優孟衣冠辨得無。舞臺開處競笙歌。當時笑倒西王母。不道梨園名角多。
異品搜羅自遠方。珠宮夜夜發奇光。漫誇趙璧連城重。還讓天孫無縫裳。
點金乏術欲何之。澤被蒼生彼一時。仙吏誅求空杼柚。天街也唱大東詩。
八洞神仙迥不羣。也曾撰作北山文。時來忽步瀛洲去。肯向林泉臥白雲。
鼓枻漁郎唱未終。忽聞雞犬覓奇蹤。惟應世外留仙景。下界桃源何處逢。
吹萬詩選

高變字吹萬江蘇金山人今錄詩二十六首

己酉九日

如此新亭空對泣。不堪舊緒怕登高。荒村寂寞逢佳節。落葉淒迷誦楚騷。
看菊故應呼酒飲。哀時甯得借詩逃。閉門我願無聞覩。風雨何當夜似濤。

己酉秋結寒隱社作詩述意

人海叢中悵獨行。不成避世轉愁生。暫憑寤寐留清夢。聊託音聲寄遠情。
窗下

晚風聞病蟀。草間涼。月見殘螢。年年寂寞吾能慣。忍把浮名與俗爭。
芳草斜陽劇可哀。全荒蘭蕙長蒿萊。經秋文字絲絲淚。入世心肝寸寸灰。
祇覺愁多窺古鏡。不妨情重伺粧臺。商量欲闢東籬地。更覓黃花爛漫栽。
出門惘惘欲何之。誰贈心香慰所思。身外烟雲殊未定。眼中人物竟如斯。
霜寒三匝鳥飛急。木落千山雁到遲。却愛今宵風月好。荒唐第一莫談時。
說着論詩道已微。相思絲渺故人稀。風飄墜葉甘侵帽。塵起汚人欲浣衣。
林密山深心獨往。天迴地轉願終違。鳴條解與梧桐語。爲報今年秋更非。

庚戌元旦偶成

椒花頌裏試微吟。暫屏詩書思不禁。祇覺苦閒殊寂寂。未須中酒亦沉沉。
頻年寤寐憂天壓。厭世肝腸與歲深。坐對一行寒雁過。江山絲渺起商音。

陳君巢南柳君亞子來簡均勸余刊印拙集答之以詩

辛苦雕肝計總差。不祥文字未宜誇。感君盛意憐桑蠶。愧我微吟似井蛙。
落筆

徒教存廢什。工愁誰說是名家。寸心得失真虛語。傳到千秋事尙賒。

送鈍劍之武林兼贈石子

此去吟詩定未休。莫憑勝地便言愁。南屏荒塚知誰問。西冷新阡不可求。潭靜月明天在水。隄空風起樹成秋。聖湖我是曾來慣。今夜隨君一夢遊。

東曼殊大師並乞畫寒隱圖

曼殊大師耽禪癖。畫法精能巨然敵。昔年寸筴賜丹青。篋底珍藏如拱璧。一別申江消息稀。芒鞋破鉢遠皈依。祇園鷲嶺搜求遍。佛國歸來香滿衣。衆生未度添悲哽。原來我佛皆平等。百萬華黎孰喚咻。海邦掌教兼摩頂。如此神州夕照寒。袈裟拭淚向空彈。有時寫出悲荒意。撥墨離披不忍看。愧余未解畫中境。盪胸靈氣成雲併。趺坐無言鎮日閒。秋光忽幻蒹葭影。殘山墮水莽榛蕪。天末懷人不可呼。聊寄縑緇盈尺幅。願言偕隱是吾徒。憑君妙筆生奇趣。料知不吝揮毫素。返視紅塵清夢遙。相將攜手圖中去。

寄寶丹金陵

述陽卻曲我行遲。世網重重孰主持。別有情懷非好隱。百無聊賴遂能詩。參來佛性當如是。淡到名心他可知。誰識杜陵哀樂意。萬方一概欲何之。

題蔡哲夫所繪沈孝則冰雪廬圖卽步哲夫韻

蝨我其間良非夫。獨行不與世爭驅。雀羅可設門無車。尋梅索句未跨驢。嗟哉蚌病乃生珠。詩漸可讀消雄圖。寂然吾亦愛吾廬。相與魚鳥忘江湖。別耽冷癖天下無人嗤。待兔徒守株。塊獨無悶心安舒。若有人兮俟城隅。潔清不數臞仙臞。誰知聞聲有彼姝。懷抱竟不與我殊。心香一掬堪相娛。幾時握手其樂且天涯。消息今何如。千里慕悅形神俱。恍似一室飲屠蘇。從今吾道始不孤。山深林密足隱居。已而願言從接輿。時衰俗薄甘遯虛。俯仰炎濁胡爲乎。誰繪此圖意有餘。雪窗展玩一軒渠。冰心映入白玉壺。借隱會向圖中趨。飲冰鬻雪休自恡。

石子鈔幽夢影一通余旣爲弁語并系以詩

一編奇趣盎然留造化精微筆底收。具至性情能感動。是真道學總風流。肯令
花月閒中過。愛向人天冷處遊。多少腐儒齊咋舌。靡君珍重莫輕投。此書語妙
絕倫不可
方物字字出人意料而却字字入人意中所以者其何言曰情
必近於癡而始真才必兼乎趣而始化嗜盡之矣吹萬贊記

題變雅樓三十年詩徵

深夜無人燈似粟。雨聲浙瀝夏寒玉。案頭忽起光作作。五色燦爛天能燭。借問
何物動瞻矚。中有精氣森芒角。詩城浩大誰所築。按兵待之那可蹴。欲攻未攻
又瑟縮。迷茫萬象難更僕。紛陳光怪離以綠。世界開闢此變局。近三十年一結
束。鄭聲雅樂並追逐。以僞亂真恣惶惑。何人辨析蕩清廓。奇蛇巨虯兼收蓄。千
流萬派同歸宿。揀得明珠三百斛。不容一二混魚目。功在藝林權在握。胸中斗
血常漉漉。我讀此選不敢熟。世亂亟矣敗亡續。大橫百怪相吞伏。四夷交侵辱
莫辱。詩人憂國歌當哭。開卷忍痛更三復。若有戈矛撐我腹。狂風窗外震林木。
一笑且飲杯中醪。

吊陳蛻盒

如此天涯酒共斟。鬢絲憔悴費沈吟。江湖拓筆餘高節。風雨論交見素心。詩思苦隨羈病進。愁懷沁入落花深。元龍豪氣銷磨盡。竟謝風塵淚不禁。君以去年來海上遂

以客死

當年久振春秋筆。

君曾主持蘇報首倡民族主義

文字收功著定評。張儉破家猶有止。介推死

隱。竟無名策勳。昔等羊頭爛。謀利今同狗骨爭。誰似先生無我相。蕭然窮老若忘情。

布笠青鞋何所投。淒涼身世夢悠悠。高文宛在名終顯。奇痛偏嘗報未酬。

君曾以革

命事父子同繫獄者經年

有女才華能詠絮。

君令媛撫芬女史早以文學蜚聲

無家飄泊類浮漚。滬雲望斷

靈先圯。空奠蒼茫酒一甌。

弔周烈士寶丹

南都握手甫經年。蓋地驚聞惡耗傳。遺札塵封盈半篋。時時相對一潸然。

男兒已分沙場死。用烈士句詎料橫罹慘毒深。賴有孟公持大義。指陳英士君不然冤獄久銷沈。

難得書生舉義旗。巍峨行見矗豐碑。他年若過淮陰道。第一先瞻雙烈祠。南社諸人

近爲烈士暨阮烈士夢桃請建專祠以崇報稱

殺人不死法何存。刑律能平人道尊。民賊今猶稽顯戮。九原那得慰忠魂。

懷柳亞子

滄海尙漫漫。狂歌且自寬。羣龍無首吉。一鶴獨鳴難。閱世多新感。論文記舊歡。暮雲看萬疊。猛想偶憑闌。

聞蘇曼殊歸國奉柬一首

一別東坡今五載。相思應念我如何。住心常覺衆生苦。冷眼猶嫌熱淚多。奴子未容悉平等。天堂變相卽修羅。茫茫十丈紅塵底。歡樂聲中但寤歌。

索黃濱虹治印先寄以詩

人生何者足。可恥窮年讀書不識字。邕冰已遠。書契湮。書籍往往混。眞僞是誰
博考鑒別精。字體源流知所自。因之上溯秦漢。遙典墳邱。索得窮治。澤古既厚
方奏刀。刻劃一一具深思。至誠凝固。腴理微。承蜩解牛本一致。黃子靜者吾所
師。鄭虔三絕人共知。圖成寒隱昔相贈。明窗相對情爲移。旁及摹印尤入妙。蝸
匾篆刻盤神螭。抱殘守缺不求賞。落落自挹蓀荃姿。徘徊撫鑿有餘味。古情鬱
結念在茲。或言玩物足喪志。腐儒見解眞堪嗤。我亦粗知事書史。故紙堆中悶
欲死。望古沈沈浩劫灰。搜殘蠹簡皆無是。聿稽文字創造初。差見微言與奧旨。
可知大義一綫傳。金石之中具鴻秘。遺聞萬古蘊不宣。寥落龜壽四千祀。當世
能文識字人。眼中我見濱虹子。吁嗟假學何其多。數典忘祖聖所呵。原本訓詁
不可磨。妄云大義非由他。乃以空論相操戈。儒林道學遂分科。以謬襲謬。訛傳
訛。倉斯地下應滂沱。我持此論良非苛。安得篆傑挽頽波。一反積習無偏頗。願
攜頑石煩切磋。行當一日三摩挲。

題姚石子所得明遺民傅青主畫山水尺頁

紙上發光怪。黝然見古春。祇此尺幅間。雲氣鬱紛綸。若非富邱壑。狀寫安能真。至今三百年。拂素陳復陳。姚生好事者。愛好比奇珍。終日坐相對。傾倒明遺民。索我題一言。溫溫肺腑親。我亦有同癖。感慨多緣因。緬想下筆時。天地皆胡塵。河山非我有。撥墨淚酸辛。茲逢慶再造。作者應含嚔。吉光與片羽。萬古留精神。聞曼殊將重譯茶花女遺事集定公句成兩絕寄之

震且狂禪沸不支。本無一字是吾師。天花豈用靈旛護。下筆情深不自持。迴腸盪氣感精靈。肯向渠儂側耳聽。今日不揮閒涕淚。茶花凝夜吐芳馨。天梅詩選

高旭字天梅江蘇金山人今錄詩四十三首

五月十九日和巢南韻卽寄越中

鬼哭天愁冷雨斜。黃龍晉酒恨徒賒。傷心法物飄零盡。閒向天南弔落花。

痛拉巫咸招帝魂。黃炎一脈要圖存。會稽霸氣今何似。回首淒涼恨國門。
相將乾死蠹魚腹。何日天驕會剪除。枉說儒生關國運。幾曾仗劍爲先驅。

送巢南之粵

君自言愁我亦愁。奇情歷歷蕩難收。未除北虜千年恨。又割西冷一段秋。畫裏
關山新杜宇。客中香雪舊羅浮。城南酒伴應相憶。料得斜陽倦倚樓。

自題花前說劍圖

提三尺劍可滅虜。栽十萬花堪一顧。人生如此差足奇。真風流亦真雄武。男兒
不作可憐蟲。唾壺敲缺光焰紅。圖中人兮別懷抱。花魂劍魄時相從。要離死去
俠風歇。一杯酒灑塚中骨。青衫紅粉兩無聊。指掌高譚古荆聶。東風浩蕩催花
開。紅顏從古解憐才。誓洗清談名士習。頓生遲暮美人哀。美人應比蘼常好。萬
紫千紅天不老。一室猶秋孤劍鳴。四海皆春羣花笑。月明吹徹玉簫聲。錦繡湖
山大有情。前擁貔貅後鶯燕。長驅漠北索虜平。手中之鐵。心中血。以斗澆之恨。

難減海風著意吹。不涼冷鐵千秋化。成熟天生我才竟何用。匣裏光芒雪華凍。
時至終酬知己恩。數奇枉作封侯夢。封侯夢醒淚長流。閒看鴛鴦繡並頭。金閨
國士知多少。寂寞魚龍江海秋。人間冷落好匕首。心肝爭向路人嘔。愛國無妨
兼愛花。屠龍不成盍屠狗。憤來拔劍肝胆麤。銀屏畫燭歌嗚嗚。可憐馬上殺賊
手。題寫花前說劍圖。

讀寶丹所作棠隲小傳

回首當年事更非。海棠消瘦牡丹肥。秋魂飄泊招難得。願化牆東蛺蝶飛。
渠儂俠骨果崢嶸。別鳳離鸞恨不勝。敲碎珊瑚歌一闋。四條絃上淚如冰。

贈沈孝則

詩筆高華憶右丞。秋風病骨料難勝。小旗亭畔人如玉。黃葉題詩感不禁。
天涯冰雪奈愁何。貯息停消隔絳河。惆悵佳人留片影。願將心事託微波。

懷寶丹白門

滾滾長江徹底渾。天涯誰與替溫存。曉風殘月新詩本。濁酒高樓舊淚痕。鐵馬嘶驚楊柳夢。杜鵑啼斷海棠魂。不堪再讀悲秋集。黃葉蕭疎冷閉門。

懷巢南武林

最是消魂黯淡天。訴將往事恨綿綿。可憐忼慨多無補。漸覺蕭條近暮年。雨後殘花羞照影。秋深疎柳怕成烟。知音尙有西湖長。每一相思輒惘然。

懷蛻庵長沙

采霞片片忽飛來。擊節沈吟把卷開。爲問梅村幾知己。恰逢同甫是仙才。題成說劍三生感。咏到聽秋七字哀。一寸靈犀暗惆悵。北風天末正徘徊。

懷紅冰當湖

索居澆酒意茫然。痛讀離騷廿五篇。事已滄桑誰與說。文經憂患始能傳。高吟采石大江水。闊別梅花小雪天。料識美人怨遙夜。一聲哀雁落箏絃。

懷亞子海上

所思不見夕陽深。萬緒千愁悵獨尋。世變要除名士氣。歲寒應識故人心。百篇
深恐飄金粉。孤憤終看碎玉琴。患難訂交須護惜。四條絃上證微音。

懷太一北京

京洛塵污未可論。文章屈宋與招魂。生猶同世未寥寂。別已經年餘夢痕。道義
交深肝胆迸。黨人碑倒姓名尊。漫漫長夜何時旦。扣角羞過將相門。

懷朴人海上

誰肯荒江伴釣竿。一書猶自問平安。無情紅樹催人老。有味青燈逼歲寒。亡國
可能天外住。癡懷聊向畫中看。憐儂未歷黃山勝。吮筆題詩一字難。

懷道一嘉興

一彈指頃去來今。回憶前塵尙可尋。黨綱例於衰世見。道根偏自靜中深。神州
殘局傷心史。夜雨空山抱膝吟。願伴鴛鴦湖上住。聯牀把酒話冬心。

壬子舊除夕感賦

老大傷懷却爲誰。不關謠詠到娥眉。萬千壯志歸淘浪。三十封侯已過期。直以大兒呼北海。僥將高隱載西施。祇憐浩蕩無歸處。贏得秋風兩鬢絲。

癸丑元旦

新朝甲子舊神州。老子心期算略酬。搖筆動關天下計。傾樽長抱古人憂。劇憐肝膽存屠狗。失笑衣冠盡沐猴。滿地江湖容放浪。明朝持釣弄扁舟。

偕海印上人願九一李經輿遊十刹海車中偶成

一種心期未可傳。長堤淺草整歸鞭。芙蓉開落人如夢。楊柳蕭疏月化烟。十刹幻成無量海。衆香圍住有情天。人間聚散原無定。他日思量定惘然。

苦問一首寄亞君

宣南門外柳如絲。客子思家莫怨遲。志士不忘在溝壑。佳人自古解聲詩。調鶯曲院秋雙鬢。跨馬雄關酒一卮。苦問行程須記取。桂香花裏我歸時。

次韻答太一獄中見枉之作

篋中血淚燕遊草。今日何堪持贈君。狐兔縱橫天鬼嘯。此生端合絕人羣。

次太一武昌獄中作韻

沿江烽火爲誰忙。張角稱兵犯建康。南北豈真天作塹。英雄不合酒爲鄉。裏尸馬革懷宗國。被妬蛾眉怨夕陽。白紵歌中聲變徵。不堪腸斷此啼妝。

重九南社雅集滬江席上賦此

良讌今番却悵神。墜歡重拾渺如塵。銅琶樂府聲猶壯。金粉斜陽跡又陳。招隱秋深吟桂樹。論文海上證蘭因。不須更覓登高處。已覺風光惱煞人。新知舊雨一時兼。無限心情到筆尖。小雅詩人工怨悱。大千世界要莊嚴。香銷荳蔻狂名滅。秋老芙蓉客思添。惆悵交遊應劉感。死生疑信信遲淹。

槩子以詩見懷次韻答之

讀曲風流愧不如。落梅將盡杏花初。君才肯讓雲間陸。臣美原輸城北徐。爲解聲詩心獨苦。但工飲噉計殊疏。祇憐纍纍愁無那。日暮空山賦卜居。

聞成琢如來滬賦寄

鏡下無端憶舊遊。兩都賦就淚橫流。

君近著南北京賦

工愁詞客生花筆。對酒春風小

李樓。

會同飲小李紗帽胡同

法界華嚴笑彈指。驩場絃索怕回頭。江湖放浪渾閒事。不合

生才似此休。

南社哀吟十二章章六句

蛻老其猶龍。浮名何足校。不爲雞鶩爭。甯願鸞鳩笑。立亭甘寂寞。古道長相照。

陳蛻庵

恨無飛揚路。慟哭看山川。奇人合奇死。所蘊弗獲宣。雲夢吞八九。劍氣摩三千。

黃摩西

周郎洵可兒。我曲君能顧。回思白門遊。清淚如雨注。惜哉彌正平。竟死於黃祖。

周實丹

金閨有國士。彤史生輝光。發願振孤兒。中夜起徬徨。一朝蘭蕙瘁。萬感集我腸。

岳麟書

宇宙靈秀氣。一筆鍾王郎。鬱極始發洩。吐之以文章。多病頓仙蛻。臨風心獨傷。

王无生

大哀志復仇。夙儀夏端哥。先正有典型。繼起未蹉跎。急公而好義。君逝當如何。

夏昕渠

伯夷慨黃農。杜陵比契稷。甯子墨者流。殺身安足惜。祇爲千載謀。坐失百夫特。

甯太一

昔有湯卿謀。今有鄒亞雲。壽命絕相似。才思同繽紛。一曲楊白花。哀怨猶堪聞。

鄒亞雲

嗚呼萬平君。自是陵原儔。傾資結豪俠。卒復胡虜仇。一自姜里拘。著作堪千秋。

張同伯

卽今朋儕中。絕少譚哲學。我謂更生齋。澹默殆難得。身僂非其罪。含冤向誰白。

周仲
穆

陳生古任者。荆聶無此雄。霹靂疊然起。五步流血紅。大事雖不成。壯志化長虹。

陳勒
生

大名垂宇宙。經畫誰與倫。伍員縱覆楚。三戶未亡秦。大地悲回風。紛紛愁殺人。

宋遜
初

哭張伯純先生

夷吾江左再來身。國士無雙入幕頻。

同鄉曾左諸人許為國士無雙

麻木風痺究何世。勤勞忠

實要斯人。聯吟明月梅花夢。

每得一詩必寄其配君索和

交誼空山杜若春。不信老成遽凋

謝。摩挲遺墨淚沾巾。

卓絕東南天放樓。

自號天放樓主

抗懷稷契儘堪儔。自饒儒者千秋業。不屑人間萬戶

侯。有以蘇督相屬者君一笑去之

歐九表旣新紀念。

哲嗣昭漢為撰行略

孟光舉案舊風流。

君嘗云幸妻如孟光可與

適入秋風雨淒涼甚。國瘁人亡滿眼愁。

犁庭夙抱感精靈。

民軍起義君屢屢條畫方略

贏得他年照汗青。賈傅多才難救國。伏生有

女始傳經。

謂默君女士

欲從天上依南斗。忽嘆湘中落大星。轉痛酒徒空後死。悄磨

寶劍帶龍腥。

撒手人天志不灰。龍顛虎倒莽塵埃。一朝水火立黃血。百劫河山操莽才。我自

臨風歌當哭。公應騎日去還來。卽今喪亂真難料。感逝傷時倍可哀。

石子詩選

姚光字石子江蘇金山人今錄詩十五首

丙辰上元節舅氏吹萬招集梅花香窟分韻得花字

佳節恣清飲。尋梅意興賒。疏枝寒澈骨。老幹冷飛花。酒氣騰香窟。吟聲滿洞厓。

香窟適當秦山南厓洞天之下歸途猶緩緩。月印柳梢斜。

餞春

者番花事匆匆甚。回首天涯又綠陰。葬罷落紅因久立。絲絲情淚濕衣襟。

聽雨

小樓春雨聽聲聲。惻惻愁生夢不成。最是繫儂心事處。碧桃滿樹溷風塵。

題龍丁華書伉儷春愁秋怨詞一首

浩蕩情懷不可收。英雄遲暮住溫柔。雙飛雙宿如鸚鵡。底事愁春又怨秋。

春盡

豔陽天氣落花風。一度韶光轉眼空。閉戶深山不出去。芒鞋爲恐踏殘紅。

初夏晚眺

萬綠沈沈着意妍。天涯芳草自芊芊。樹間歷歷鶯啼老。柳色斜陽最惘然。

夜起一首次鈍根

婆娑花影上窗櫺。月色朦朧點點星。悄步中庭羣籟寂。惟聞蛙鼓似談經。

初秋

蕭蕭落葉又驚秋。百感茫茫怕上樓。衰柳臨風看不得。一重烟雨一重愁。

傷心

爲虺弗摧終貽戚。我謀不用復奚論。傷心往事都成夢。晦冥乾坤且閉門。

春寒

朔風凜冽起蕭晨。二月春寒劇悶人。滿地綠紅都慘澹。雨絲雲墨不成春。花鬢柳眼無聊賴。漠漠重陰鬱不開。最是令人愁絕處。南枝乍動又摧殘。

本事詩

徙倚閒窗月上初。仙霞朗潤托明珠。銀屏華鬢人如玉。紅袖添香夜讀書。皓魄橫斜夜漏遲。重重花影上簾時。夢中占得銷魂句。喚醒卿卿索和詩。

秋夜

一葉梧桐金井下。江山綿渺起埃塵。冷螢照夜如愁夢。秋蟀啼堦訴苦辛。芳草經霜。淒欲死。黃花着雨。冷堪珍。悄然步上高樓望。吟盡霜鴻思殺人。

題鈍劍詞人聽秋圖

玉露空堦落葉聲。寒蛩四壁若爲情。萬般并入秋消息。和雨和風聽不清。
君介詩選

高珪字君介江蘇金山人今錄詩五首

岳墳感賦

胡騎長驅彼一時。而今墓木不須悲。君看一例參天起。那異南枝與北枝。
巍峨廟貌傍忠墳。千載長埋碧血殷。東海鯨波誰可靖。祇今惜少岳家軍。

遊西谿

一徑廻環思渺然。叢林萬竹綠參天。溪邊更看垂垂柳。盪漾晴空萬縷煙。
湖上感賦

容與中流蕩槳來。壯懷鬱鬱一時開。似聞東海風濤險。擊楫應需祖逖才。

南社叢選

詩選卷十

涇縣胡韞玉樸安選錄

巢南詩選

陳去病字佩忍號巢南江蘇吳江人今錄詩一百零四首

初夏越中雜詩

冠履一倒置。中原百事非。生無依漢臘。死亦采周薇。落日終成晦。陽戈孰可揮。茫茫粟騎績。長與壯心違。

我已無家久。奚須賦卜居。飄零隨梗。蒼莽識歸墟。堂背羸蔭草。江東結敝蘆。雙魚來遠道。謂可托楹書。

時沈太君有移家東江之舉

淮海無消息。關山曠歲年。有誰歌哭意。來愬酒樽前。白日青春晚。梅花紙帳眠。徒然感髀肉。不復據征韉。

時平壯士賤。世亂烈魂懷。意氣凌荆聶。聲名振海淮。報仇多稱意。雪恥亦良佳。

偉矣越勾踐。登車式怒蛙。

有懷劉三鈍劍亞子並苦念西狩無畏

吾有數同好。性行皆軼倫。其一爲劉季。豪宕生風雲。長才擅三絕。寫作何玢璘。掉頭竟不顧。獨飲曹參醕。其二有漸離。生來恥帝秦。報仇志不遂。往往多哀呻。要我結南社。謂可張一軍。最少獨屯田。儒雅尤恂恂。韓亡知自奮。留侯豈婦人。締交逾十載。意氣侔雷陳。所憾落拓士。江海多沉淪。譬如尺蠖屈。終古無一伸。又如驕陽虐。寧怪蛟龍嗔。去去一長嘯。其人真悲辛。所以發慨嘆。噓氣摧星辰。我歌且未了。我悲今更多。出門結朋友。所貴心氣和。况荷世衰亂。交道常參差。相期膠與漆。猶苦生離瓜。奚爲君子士。立行多偏頗。不知金石好。學術相磋磨。徒矜洙泗習。斷斷空齟齬。所志卒未成。同室先挺戈。知己縱或諒。忌者將如何。成連空知音。徒聞海上波。管邴並良士。割席乃紛拏。思之獨泣涕。欲乘滄浪槎。終教廉藺好。毋貽鍾呂嗟。不見耳餘事。千古資譙訶。

四月二十五日偕劉三謁蒼水張公墓并弔永歷帝

大好河山日欲斜。登高攬勝興何賒。蒼天逆行黃天死。祇向秋原哭桂花。

歲暮雜感

南行不得志。東望徒淹滯。塊焉返故鄉。寂寞衡門閉。愍念平生交。磊落半長逝。餘子雖倖存。精氣悉頽敝。而我獨耿耿。奔走未忘世。傍徨策治安。何者非匡濟。山高不厭攀。水深不厭厲。涉江采夫容。誰能待晴霽。時窮壯士見。世亂腐儒斃。達識有高懷。無從形跡泥。况當厄運年。胡漢一衰替。瀕洞勢傾舟。何暇怨操柁。應與振奇危。亂流同急濟。庶幾繫長纒。略可傲荒裔。功高吝其賞。長揖返江滢。聊以表深衷。自不同繆戾。我有同心人。淹滯曲江滢。歲歲不相逢。相思各流涕。何計使之併。昕宵對姝麗。燈炮共填詞。更闌還擁髻。如此度長年。亦足忘昏噎。天意阻長塗。徒令日侘傺。文君信妙妍。臨邛悵迢遞。難言懃征鴻。音書莫遲滯。

貧士百不歡。著書亦幽滯。鬼伯日擲掄。長年半疲弊。所以雄奇文。靈藏不出世。長門莫與讎。鸛裘輒墮敵。衰病復窮途。由來阮生涕。顧性懽愉人。漠然不關繫。譬如南冠囚。甯邀北胡契。荆璞且自珍。瞬晤重華帝。

惻惻

惻惻中原徧。尉羅側身天地一。婆婆圖南此去舒長翮。逐北何年奏凱歌。愧殺鬚眉遜巾幗。要將兒女屬媼娥。補天填海終須仗。豈謂徐陵彩筆多。脈脈秋心暗帶愁。沈沈長夜共登樓。歸鴻幾處驚羅網。月影中宵怕似鉤。惜別祇令詩思塞。當筵惟有酒樽酬。相憐去住渾無準。看殺平湖不繫舟。

久病不痊有作

不堪多病廢尊疊。幾見名花次第開。草草光陰梁下水。沈沈心事劫餘灰。蒼茫四海無家感。潦倒中原絕代才。只合蒲團了身世。萬緣刪盡息悲哀。

疾起還吳有感

金閨亭下寄儂家。俠客高人墓已賒。

要離梁鴻二墓在專諸巷者今皆不存

只有專諸門巷在明

珠穿遍女兒花。

巷多珠寶鋪

五噫吟罷躍初噉。省識皋家廡尙存。底事齊眉人影遠。蒼涼梅福隱吳門。

有悼

幻影空花忒渺茫。挽留不得幾迴腸。優曇一現真無那。蠟淚低垂祇自傷。玉折
蓀摧愁萬疊。霜清月冷夜方長。碧璃窗畔今如故。碎鏡當年恨未忘。
金風悽惻殞芳枝。顛顛潘郎兩鬢絲。不盡青春懷夙昔。欲裁紅豆寄相思。蠶心
已死空成繭。蝶夢方酣總帶癡。腸斷中秋猶記省。朦朧月色漫填詞。

寶鼎

寶鼎沈沈裊篆烟。高堂華燭乍開筵。虎頭戴勝西王母。鳳帔凝妝萼綠仙。醇酒
殷勤親勸酢。玉容羞澀愈鮮妍。憎他青鳥頻來去。未許東方一放顛。

金屋

淒清金屋困文鴛。芳草池塘漫涉園。燒盡綠章。空有淚數殘。紅豆總無言。癡人說事休嫌盡。舊病憐余未共論。歎息。昌羊有同嗜。落梅如雨。儘銷魂。

夜過毘陵驛

氣笛一聲長。毗陵落道旁。吳音。駭。雁。吠。燈。火。眩。星。芒。濃。夢。觸。舫。覺。寒。風。砭。肌。涼。起看霜月白。城郭正微茫。

焦山中流遇急湍

熬柱獨擎天。滄江湧一拳。奔流多激盪。於此一迴旋。謾疑松籟淙淙響。石泉投鞭非易事。應與滌腥羶。

西湖三潭印月晚歸遇雨同懺慧小淑作

晚涼天氣不勝秋。結伴同爲打槳遊。剛是藕花初破蕊。清香時掠過船頭。退省庵前皺碧波。亭亭上好風多。潭空莫映團團月。但見白雲飛滿坡。剛怕前山動迅雷。回船急雨已相催。輕衫濕透何須說。贏得兒家醉一杯。

辛亥六月金陵雜詩十二章

帝京風物信繁華。故國邱墟亦可嗟。欲向鍾山去憑弔。午朝門外屢迴車。

初至金陵

有感

西華門外乍經過。野麥荒葵到眼多。最是不禁腸斷處。故宮陶甓馬來駝。

僧過

明故宮積潦盈宮牆
毀壞盡矣感成三絕

當年此地集羣臣。肅穆冠裳拜聖人。今日空懷邁伯玉。滿宮車轍動麟。

觚稜金碧黯然收。極目茫茫水國秋。底事橫流今未已。陸沈眞箇屬神州。

不爭家國只爭墩。晉宋風流可尙存。輸與薊林老開士。蕭蕭暮雨掩山門。

半山
晤薊

林寺僧大道與
曉公談禪甚久

桃葉人家水沒扉。秦淮閣子映斜暉。半晴半雨太無賴。六月金陵穿袷衣。

偕曉
公泛

舟青
溪

復成橋畔柳垂垂。一槳中流日乍移。閒與羣公話風雅。青溪應築小姑祠。

清涼山色撲眉青。避暑何人降彩輶。記得年時攜手過。低徊曾訪翠微亭。

重過清涼

山閣藏書
有懷影事

石渠天祿儘儲材。漫把閒情理。刼灰頻向石頭城下過。人人知是看書來。

倚馬文章夙擅長。猶龍道德勢能張。霍家嬌女奚癡絕。錯認當年李十郎。

噉廬有翁

子之憾慰
以三絕

不堪重唱大刀頭。一著差池一局休。溝水東西流不定。問渠何地可埋愁。
大好團圓月一規。倚闌閒玩儘移時。明心見性應如此。莫復中邊悟徹遲。

雲程萬里圖爲陳劍魂題

瀕洞風波捲地來。中原此際正喧豔。憑君直上青雲去。他日相逢破浪回。
少年亦有志封侯。手挾鯤鵬萬里游。老我十年吳下住。空教冷眼矚神州。

後望嶽圖爲祝心淵題

衡嶽峯高氣象雄。扶輿磅礴鎮寰中。當時誰是開天手。第一君家老祝融。

融炎光氣炳南方。大有人材厲劍鋌。底事西風摧健翮。至今遺恨說瀏陽。
陽鳥賓南又此時。側身凝望總成癡。微聞消息秋來好。木落洞庭波正奇。
都門崇效寺立夏得兩絕

十年革命老同志。一夕重逢宣武門。聊與閒遊過蕭寺。美人清酒儘消魂。
黃天當立蒼天死。却笑斯人憤憤多。日日留春春不住。看君消夏又如何。

梨花里留別亞子

誰家水楊柳。秋末尙青青。倒影自娟娟。臨風亦娉婷。人方懷遠道。舟暫泊旗亭。
向晚揚舡去。縈情入杳冥。

酬鈍根醴陵山中

再難海上遇成連。常使湘靈繫舊緣。小別幾同龍漢劫。幽居奚啻竹林賢。時危
合共名山老。秋盡誰爲病骨憐。惟有新培桃李盛。聊垂絳帳送華年。

哭夢逋老友

同甫當年負盛名。揮毫驚起攘夷聲。破家不已重。亡命萬死何曾賸。一生惟有威丹知。已感空餘枚叔故人情。介推無祿真堪憤。欲按心頭總未平。

十年一別老陳琳。未信歸來雪鬢侵。詩酒誰令逐年少。文章依舊斷知音。西湖有約偏難主。南社無君忍重尋。最是楚魂招未得。鶻啼猿嘯激哀吟。

君長女擷分嫁四川

某君在巴蜀未返

哀陳勒生

知君崇實際。亦頗事文章。有筆能扛鼎。傷心起障狂。圖將七首見。身竟掌雷戕。慚愧漸離筑。悲歌易水長。

自浙入湘得晤夢蘧君劍諸社友獻以是詩

脫帽一爲禮。浮蹤江海來。吟朋都到眼。歡飲復傾杯。時事且無問。文章要主裁。懷湘兼望嶽。齊上楚王臺。

泰山絕頂登封處題壁

天門。誅蕩蕩。海甸莽蒼蒼。石棧千尋。迥汝流。一綫長。風多松愈勁。雲擁壑難藏。雷雨中宵發。雄心動八荒。

自岱宗下降小憩龍泉觀有作

霧裏看山那見山。渾淪一氣擁螺鬟。懸知不是神仙侶。只在人天兩大間。

趵突泉一首

朝發泰山巔。夕游趵突泉。風塵亦勞瘁。興會却騰騫。白沓旋旋起。明珠顆顆圓。暫來知未盡。味且去幽燕。

出塞望蒙古

我欲登崇岡。石骨何岫嶙。我欲度沙磧。陷馬且沒人。驅車悵徘徊。臨發復逡巡。朔風驚地來。撲面驚胡塵。胡氛日以惡。剿撫費因循。防邊閱二載。衛霍功誰陳。兵增不征討。苦哉塞下氓。

平生有奇策。悉開諸邊屯。繁盛爲郡縣。曠土移流民。耕農兼畜牧。富庶期先臻。

間乃列橫舍。文化推無垠。非徒驚鞮譯。將使明彝倫。庶知天漢威。努力傾葵忱。誓詞戴中國。弗復私強鄰。謀忠地位微。耿耿誰與陳。發篋仍自緘。撫髀徒悲呻。

夜宿張家口獨步通橋望月

朔風晚益號。河水夜益喧。寂聽苦不耐。出門且盤桓。門外有長橋。蜿蜒如龍蟠。登橋見明月。皎皎青雲端。下照渾河間。如練張檀欒。依稀月有聲。靜探乃激湍。對景忽懷思。隨流下桑乾。去去海門東。大風生層瀾。舟輕曷可達。艱哉道修難。何如老塞上。鐵衣支夏寒。

通橋月夜聞歌

撲地征沙不可支。悲風獵獵響流澌。羌笳聽徹愁無際。記取邊城月上時。獨上河梁玩月明。忽聞歌管若爲情。東南民力思還在。奈爾淒迷一片聲。

春暮集樸學齋

市樓一角日西斜。細雨櫻桃正落花。尙有斯人存古誼。獨招朋舊泛流霞。殘春

欲去情猶戀。乳燕初飛。力未奢。底事荼蘼消息晚。故教魂夢繞天涯。

惜別詞八首

有中國男子與西方美人密締盟約將成忽爲倉海君所破余甚惜之
故作此詞以鳴不平云爾

一夜東風泮碧池。堅冰無力碎如絲。憑欄何暇傷心問。鶻血啼枯只自知。
苦恨春波誑盡人。落花飛絮諦前因。浮蘋此日終流水。悔煞乘槎一問津。
交甫休云有夙因。月明空遇漢臯人。料應玉佩隨流盡。那復相逢楚水濱。
狂笑重來弔尾生。哀君持信太分明。而今抱柱空遺恨。流水悠悠豈復情。
招恨吟成惜別詞。淚痕如水意如痴。金猊欲燼香原在。何限蒼涼獨坐時。
秋深寒雨透窗紗。叵耐心情亂似麻。豈敢人前愬幽恨。中宵唯覺病來加。
南東金粉足清妍。檀板清樽奏管絃。此後自應埋駿骨。可憐難忘洛中仙。
由來悲樂信無端。嚙臂盟成總易寒。只是一池春水皺。關卿底事要相干。

自兗州過曲阜謁聖廟孔林四首

假蓋欲出門。主人不我與。驅車輒長行。去去向東魯。初過泗上橋。官柳綠呈嫵。迤邐接平原。良疇益膻膻。忽逢棗柿林。或者環以堵。土風雖不華。富庶隱可睹。約略卅里餘。遙天露璠宇。趨程意復前。漫空突飛雨。牛車塞闌闌。欲行更橫阻。護短愧未能。解衣一長慙。

曲阜古魯國。少皞之遺墟。周公首封此。禮樂盛一隅。伯禽征淮徐。武功亦絕殊。胡爲隱桓間。骨肉爭璠瓊。篡弑旣相循。王道自日渝。卓哉孔聖人。章逢步天衢。一朝集大成。遂爲萬世儒。春秋素王業。今古復焉如。

巍峨孔子宅。依約魯王宮。宮牆高萬仞。循走僂吾躬。稍焉得門入。碑碣森穹窿。徘徊歷階城。登堂拜聖容。聖容溫以和。盎然儒者風。循循知善誘。博約能折中。彬彬後君子。允哉吾其從。

出自魯北門。遙望見高隴。盤松如游龍。天矯夾修甬。徐行渡洙水。水枯草獨奉。

嶙峋石闕多。淩雲特修聳。千材聚一林。心知異方種。獨無衛賜楷。墓廬少。幘幪。
爰瞻宣聖碑。爰謁尼父冢。其旁子若孫。纍纍悉環拱。下逮古來今。佳城益寵崇。
如堂亦如斧。間以馬鬣竦。周垣十里餘。無墳不姓孔。乃知族葬禮。能令風誼重。

陋巷

憶昔顏子淵。樂道恆守貧。簞瓢處陋巷。其陋應無倫。疇知今不然。里閭俱一新。
卽投逆旅息。雞黍紛焉陳。詎同石門宿。儼逢荷篠人。所嗟末俗儻。充城闔。
昔也。弦歌地。今藏鶯花春。東魯尙如此。奚况天下民。
逆旅主人酷嗜雅片故及之

去魯

驅車渡泗水。泗水不盈咫。我旣漫褰裳。車亦詎濡軌。魯風雜淳澆。別去尙可揣。
匪若鄭衛間。淫聲輒靡靡。治魯先於齊。東邦庶有豸。

題郭頻伽手寫徐江庵詩冊爲寒瓊作

話雨難尋舊小樓。零星遺稿更誰求。多君獨向長安走。拾得瓊編手自儺。

振古奇才郭十三。窮交端不負江庵。一燈午夜齋心寫。脫贈賢于舊館驂。
斯文顯晦果誰教。秘本分明尙可鈔。却喜拈來雙璧合。願君珍重莫輕拋。

丁未八月海上藏書樓夜坐雜感

天馬奔騰霧靄空。翩乎逐電與追風。驚心伯樂探神駿。却屬游行自在中。
頭角崢嶸洵可憐。風懷蕭灑亦神仙。人天畢竟歸平淡。九十春光幾許妍。
習習清風送晚涼。悠悠桂樹暗生香。病夫自覺添煩惱。幽致頻懷秋海棠。
轉瞬宵來月更明。芳時何處酌瑤觥。浙江潮猛蘇臺燼。意向吳淞江口行。
避世於今縱未能。行吟被髮我何曾。悔教拋却五湖長。難得采蓮復采菱。
金盞玉膾未歸休。落拓秋江愁復愁。相憶故人相望遠。羨他白戶勝封侯。
一病真令萬念灰。浪拋筆硯置金罍。阿難懺矣江才盡。文字情魔兩去來。
只合曇瞿老此身。萬山深處作遺民。百千年後長寥寂。沒箇劉郎來問津。
夫容江上幾曾開。浪說孤山早放梅。最是委心任運好。不然積思要成痲。

百年無分翦天驕。膾有愁心答漢朝。蹈海幾同陸君實。破家終愧霍票姚。

今歲來海上與順德黃節同居藏書樓者甚久忽急電自粵來謂君令嗣得暴疾及過歸已彌留矣一見而訣君凡四丈夫子其三皆不育獨此長且賢而又遽喪人匪槁木詎能忘情君之悲愴自不容已然余之見解正復不同故詩以慰之

吾道已窮何可說。百年有限豈容愁。拚將浩氣還天地。願截情魔付幻漚。世運未回甯滅絕。一身無礙儘飄流。人間庸福君休羨。不見穹廡徧九州。

晝寢雜感

死灰槁木復如何。晝影沈沈忍數過。難遣近來懷抱惡。病魔紛似亂絲多。強起徘徊試一飛。圖南無計欲何依。氤氳直似羊公鶴。起舞猶嫌翅力微。經年漂泊未能歸。望望鄉關願總違。剩有孤鴻心一片。護羣中夜屢驚飛。欲入迴瀾與轉旋。苦無精力濟華年。思量情海翻文海。孰是安流一息肩。

生平曾未賣痴。會有愁心酒一杯。畢竟自戕非易。十年綺障坐沈埋。擡眼羞看霧裏花。兩三同志又天涯。閉門覓句。渾閒事。並世何人是作家。百無聊賴此中居。欲寫愁言意未舒。客難解嘲俱未洽。狂歌哀哭更何徒。盲不忘視。跛想步。孰更甘心老此身。我是溺人今已矣。願他人做自由神。

少年行四首張綏道 上作

少年負才兼好奇。少年涉歷臨邊陲。少年拔劍歌慷慨。少年矢志平羌夷。羌夷犯順素不測。將士防秋罕功績。少年不用當奈何。轉恐年衰憚冰雪。

白日匿兮大漠寒。邊草衰兮冰雪殘。我行西兮當歲闌。意慷慨兮凌重關。重關自昔誇雄壯。天限華戎若屏障。潛移默化會有時。今日重關已開放。

勸君莫誦行路難。勸君莫復居長安。長安居固大不易。緇塵汗人尤難堪。何如飄然去絕塞。可牧可耕總自在。一朝中外大用兵。我有奇謀足防衛。

浩然行矣復浩歌。關山越兮哀笳多。傷高懷遠自惆悵。手無斧柯當奈何。卽今

車書久同一。奚事窺邊猶未絕。征胡我媿霍。票姚獨上陰山望。高調包頭鎮卽漢高闕縣

故地時方有寇亂未靖

自陽高縣抵大同

雲駢飛處射晴光。三晉雲山接大荒。摘盡葡萄歌未已。雄心長自落邊方。太原公子今何在。代北佳人世尙存。小立不妨容再顧。傾城傾國要無言。

晚抵豐鎮

平疇彌望息邊塵。蔬果駢闐物候新。如此風光無限好。清詞應譜塞垣春。

豐鎮見雪

胡天一夜雪。四望盡無垠。萬樹枝凝蠟。千家瓦匿鱗。邊軍紛出塞。笳吹總驚人。願作豐年瑞。時危好指囷。時胡匪侵犯包頭鎮

自居庸關南騎行入口漫成

從容一騎蹴平沙。崩劣羣山夾道遮。歲晚晴雲烘笠屐。西風黃葉露槎枒。漫矜

驢背饒詩思。直欲龍堆卜住家。多少芻尼頻報喜。破中多鵲防秋應莫動悲笳。

孟秋朔日初度

塞上鴻飛氣欲秋。天南長自賦離憂。驚心白髮催人老。回首青春逝水悠。小紱

親朋聊自慰。獨饒杯榼許相酬。鱸魚味美鵬圖倦。極目莼鄉羨去舟。是日供魚殷佩六大

令謂頗似故鄉之鱸會其夫人欲還因及之

天貺節爲亡婦生日

撒手黃埃又一年。魂兮縹緲落河邊。當時生日渾閒事。此際尋思轉惘然。獨客天涯誰與伴。買山歸去竟無錢。眠牛未卜頻惆悵。半夜躊躇月正弦。

亞子詩選

柳棄疾字亞子江蘇吳江人今錄詩八十二首

瘦坡有香痕。奩影集之輯函索題詠。余謂泥犁黑獄之說不足以嚇吾輩。兩廡特豚尤非所屑。顧鄭聲亂雅下流同歸亦復無取。佛氏所謂視橫

陳時味同嚼蠟者是也緣情善感哀豔悽馨平生所慕獨有吾鄉楓江
漁父本事一集耳輒因斯情成長句奉寄瘦坡以爲何如

鐵秀泥犁語可嗤。只憐雅鄭不同時。美人香草甯無意。玉佩瓊琚大放詞。神女
荒唐愁宋玉。宓妃哀怨賦陳思。別裁僞體平生願。待續南州本事詩。

論詩六絕句

少聞曲筆湘軍志。老負虛名太史公。古色爛斑真意少。吾先無取是王翁。
鄭陳枯寂無生趣。樊易淫哇亂正聲。一笑嗣宗廣武語。而今豎子盡成名。
一卷生吞杜老詩。聖人伎倆只如斯。蘭陵學術傳秦相。難免陶家一蟹譏。
浙西一老自嵯峨。門下詩人亦未訛。只是魏收輕蛺蝶。佳人作賊奈卿何。
時流競說黃公度。英氣終輸倉海君。戰血臺澎心未死。寒笳殘角海東雲。
快心一序見琴南。閩海詩豪林述庵。老鳳飛昇雛鳳健。龍門家世有遷談。

消寒一絕

袁安高臥太寒酸。黨尉羊膏未盡歡。願得健兒三百萬。咸陽一炬作消寒。
夢中借一女。郎從軍殺賊。奏凱歸來戰。癥猶未洗也。醒成兩絕。紀之。
夢回瑤想一惺忪。突兀何由見此雄。最是令人忘不得。桃花血染玉肌紅。
十載江湖求女俠。隱娘紅綫已無多。胸中熱血冰難盡。不澣沙場可奈何。

感事呈冶公用進退格

赫赫桃源天下士。忍令弱弟遭艱危。綈袍須買人難得。葛屐西華事可哀。千載
炎涼廷尉客。一門生死黨人碑。最憐恤緯周整婦。早着黃紵入道來。

詠史二絕

附冀馬融曾失足。美新揚子又登場。經生家法原如此。一炬何人學始皇。
賣友求榮事可羞。覩顏枉目附清流。魏瑤殛後懷甯在。義子乾兒記得不。

徐江庵梅花小景兩幀寒瓊自燕市購歸。既以一幅分贈。復郵示別幅。屬

爲題詠。率成兩絕。

江鄉畫筆數徐熙。流轉翻從燕市歸。直似當年曹孟德。黃金絕塞贖蛾眉。
雙龍不作延津合。一幅羅浮臥白雲。從此中原人望氣。迢迢吳粵要平分。

題錢劍秋秋燈劍影圖

逐鹿瞻烏事總非。東南王氣欲安歸。匣中閒殺龍文劍。誰是芒碭舊布衣。
肝胆崢嶸伴此宵。中原南望夜迢迢。秋燈自吐蒼虹氣。肯照儒生讀楚騷。
亂世天教重俠游。忍甘枯槁老荒邱。霜寒一劍驚人句。太息君家十四州。

用僧貫休

呈吳越王詩事

天荒地老感平生。萬劫難銷遲暮情。我亦十年磨劍者。風塵何處訪荆卿。

哭仲穆

聞笛山陽痛未忘。臨風又哭此周郎。伯仁再世終無命。張角稱兵敢跳梁。縱敵
當年徒有恨。成仁此日亦何傷。白門劫後遺文燼。願共侯芭仔細商。
相逢乍憶過江年。狂狷殊途笑我顛。論學不妨所見異。著書要與後人傳。陸沉

謂穢華

世界淪禽獸。憂國心期在簡編。一掬嗣宗廣武淚。芒碭幾處有烽烟。

惡耗兩章

惡耗遙傳涕未收。似君真個與天仇。孤行一意甯論命。盛氣誰言未可謀。搖筆文章動五嶽。成仁姓氏已千秋。海風慘淡田橫島。歎息人間少一頭。

漢賊甯容並立時。和戎誤國至今悲。吾謀不用關天意。君見能同信可兒。偷活草間空有日。復仇地下尙無期。艱難一慟何人識。鷄首鈞天夢醒遲。惡耗嗣知不實然詩

固未容泯滅也愛過而存之編者記

玉嬌曲爲鈍根賦

連鷄已失東南局。降旛夜樹君山麓。痛哭當年識賈生。變名此日同張祿。烽火倉皇走避兵。株連鈞黨夢魂驚。誰知覆地翻天際。別有盟山誓海情。佳人少小生南國。玉嬌小字傳鄉邑。一自天鍾第一流。湘花湘草無顏色。佳俠含光本性成。桃花劍底獨關情。紅顏別擅凌雲氣。素手能彈變徵聲。望門投止文章伯。一

見無端情脉脉。本來蘇小是鄉親。何況香君重逋客。枇杷門巷受恩身。好作桃源暫避秦。金屋翻教營複壁。玉釵親典爲留賓。賈生年少工詞賦。賓從翩翩各殊度。明鏡華燭屢尋歡。檀板銀尊不知數。一度溫磨幾度愁。念家山波唱梁州。從來青史千年恨。都付紅裙一哭休。紅裙着意相憐惜。爭奈柔鄉難託迹。折盡門前楊柳枝。明朝又作關山客。後約難留嚙臂盟。五湖天際若爲情。空憐辜負嬋娟子。霸越亡吳計未成。失時豪俊仍肥遯。蛾眉別去餘長恨。傳聞綠葉已成陰。差幸名花免墮溷。俠骨柔腸自古難。紅粧季布擬湘蘭。玳梁紫燕營巢去。祝汝雙棲歲歲安。君不見伍相窮途瀨女逢。王孫漂母各英雄。獨憐紅拂天涯老。惆悵他年李衛公。

與穎若夜話意有未盡別後追寄一律

大睨高譚肯息機。寒蛩四壁一燈微。更從何地衡功罪。忍信人間有是非。論世未妨中晚恕。求全自昔聖賢稀。低徊別具滄桑淚。纔說開天已滿衣。

題槩子玉琤璫館填詞圖

淺斟低唱儘名家。獨秀江東合自誇。一卷新詞彈墨淚。銷魂底事爲梅花。格律精嚴故不磨。姜張門戶自嵯峨。狂生獨抱辛劉癖。零落江才奈汝何。

題蓴農四婢娟室填詞圖

度曲居然玉茗風。壯夫何敢薄雕蟲。只憐菊影成飄泊。輸與姜夔載小紅。嶽崎自愛香桃骨。哀怨難忘碧血花。最是霜華留舊影。四條絃上淚如麻。足疾就醫吳門有作

迷陽却曲恨如何。翻爲求醫一棹過。莫動王尼滄海歎。江湖隨路有風波。先一日阻

風不果行

見時相錯別相憶。用鈍根掉太一句甯傳交情不可攀。移作閨房離合譜。臨歧蹙損小

眉彎。

題大覺鄉居百絕

拔劍王郎斫地時。悲歌慷慨幾人知。胸中奇氣銷難盡。分付鄉居百絕詩。
欲求平淡轉崔嵬。心事沈沈未化灰。誰信詞人能遂隱。荒江風雨長莓苔。
南冠岸獄泣鍾儀。卓女壘頭酒一卮。鐵戟沈埋瑤瑟怨。兩般情緒一般癡。卷中
有青

浦獄中訪周志伊
夜飲如意館諸作

我亦先人有敝廬。百年門巷未荒蕪。何當合作還鄉夢。儂占分湖汝澗湖。

鈍根以崂山四景詞見示爲題一絕

楚尾吳頭德未孤。崂山靈氣勝分湖。幾時得領嶽崎趣。身是烟波舊釣徒。

陰霾

萬里陰霾事可憐。那堪舉目望幽燕。堯天舜日匆匆盡。已是窮新閏位年。
冢中枯骨不須論。紫色龍聲敢自尊。會見亡秦三戶士。一麾黃鉞定中原。

題天荒畫報爲阿瑛作

地老天荒此盡頭。且憑瓊屑耗窮愁。研朱滴粉成何用。說鬼談玄苦未休。誰遣

流民圖鄭俠。空教絕技擅僧繇。煩君畫出神皋景。立馬昆侖一覽收。

紀夢二什

夜夢客遊燕市。天寒風雪傷時。憂憤嘔血幾死。忽有效紅拂之就衛公者。然其人固非楊家妓也。纏綿歌泣悲喜萬狀。晨雞一鳴恍然若失。爰爲賦此。聆癡之諠。知弗免焉。

禪心空遣逐芳塵。又惹陳王感賦甄。累汝纏綿緣底事。憐儂蕉萃不如人。鶻啼已盡相思血。蝶化能爲頃刻春。是想是因誰辨得。難忘橫翠上眉顰。絕代佳人在北方。貂裘茸帽健兒妝。自甘卓女奔司馬。誰肯傭奴嫁外黃。九死尙煩憐病驥。三生何意化文鴛。無端說夢君休訝。便有前塵亦渺茫。

再題圭塘倡和集

飲醜共笑荀文若。投閣誰憐揚子雲。一樣感恩知己事。輸他入幕有佳賓。棄捐紈扇怨秋涼。永巷沈沈歲月長。附翼攀鱗原不易。楊花生性悔輕狂。

題芷畦水邨第五圖

王孫墨妙灑雲煙。恰似分湖一角天。便築新居招隱士。高風南陸至今傳。趙子昂作

水邨圖贈錢德鈞後十四年德鈞客分湖陸季道家季道為卜築于其別墅之旁景物處所宛然與圖中不異見德鈞所撰水邨隱居記南陸者季道家庵名

楓江漁父文章伯。自寫新圖付禹平。點綴湖山不岑寂。丹青重見李南溟。徐虹亭李

南溟為魏禹平作水邨第二第三圖

移家歸棹總風流。郭靈芬有魏塘移家山陰歸棹兩圖湖海漂零未白頭。一代風騷題詠遍。幾人

佳句似宜秋。深閨未識詩人宅昨夜分明夢水邨却與圖中渾不似萬梅花樹一柴門圖

花樹一柴門圖

夢鷗小閣已成塵。第六邨居靜掩門。輸與君家誇好事。直將衣鉢接靈芬。蘆墟夢鷗

閣主許竹溪銓有水邨第五圖未微題詠故知者甚少莘塔凌敏之寶樹著第六水邨居集則并未繪圖畫也

爭墩故事有還無。分北分南只一湖。我亦廿年稱舊隱。會須重繪水邨圖。

題芷畦燕游續草

桑海重來感舊游。宗周行邁黍油油。故宮銅狄西風淚。不爲蠻夷大長流。
長安棋局幾時休。蕉萃行吟客子愁。不信黃金能市駿。可憐忙殺爛羊頭。
易水蕭蕭貫白虹。豈宜重問大王風。燕邯游俠今何在。贏得胭脂北地紅。
雞鳴草草度嚴關。萬里黃塵獨往還。一臥分南烟水闊。不堪回首望燕山。

寒瓊屬題北魏李映超楊興息造象二殘拓拓爲李是庵俞滋蘭吳小荷
李蓮性諸名媛舊藏寒瓊曩游武林時橋李陸四孃賞真于碑肆搜得
者也

玉匣金籤繡闥藏。紅泥小印口脂香。漂流還付詞人手。天遣聰明陸四孃。

訪碑秦岱成陳跡。寒瓊前遊山左有衝雪訪碑圖。携豔西泠又此時。我有孤山一片石。二千年。

後要人知。孤山小青墓余有題名石刻

次韻分寄康弼大覺

一士堂堂信美哉。飄零鸞鳳可勝哀。君看世事如棋局。我已經年負酒杯。莽盪

乾坤迴涕淚。槎枒肺腑走風雷。學書學劍成何濟。閑煞屠龍倚馬才。

宵來

宵來一枕忽朦朧。起視殘檠燄尙紅。劍底因緣神女雨。樽前鼓吹大王風。強臺再上人如玉。易水初寒日貫虹。莫訝荒唐淪萬幻。沈沈心事本無窮。

題昭容集爲沈太侔劉幼狂作

花草吳宮抵死愁。二分明月又揚州。劇憐荆布蓬門女。輕付人間鞠部頭。婉孌雙雛賴姊恩。屈身絡秀爲家門。如何片玉天摧碎。血淚模糊舞袖痕。清歌燕市動梁塵。漢上誰題白練裙。何日吳淞江畔路。春風省識舊鄉親。劉郎絕代生花筆。影事劉孃鄭重傳。最是番禺老詞伯。琵琶一曲淚如泉。

哭英士

披髮呼天那可聞。從知人世有煩冤。十年薪胆關青史。一夕風雷怒白門。建業未下知君死不眠也。生負霸才原不忝。死留殘局更何言。萇弘化碧宗周燼。忍向黃墟檢斷

魂。

酒邊一首爲一瓢題扇

酒邊撥觸動牢愁。萬恨崢嶸苦未休。祈死已煩宗祝請。偷生忍爲稻粱謀。栖栖桑海無多淚。落落乾坤剩幾頭。一瓊醇醪三斗血。可能詞筆換兜鍪。

王道民輓詩

抵死終慳一面緣。讀君遺簡意茫然。魂歸淞口三春樹。淚灑潯陽九派烟。鵬賦有靈憐命短。豹皮無恙要人傳。傷心最是鴿原客。謂哲兄夢斷池塘哭惠連。邀汝

哭龔鐵錚烈士

君諱鍊百湖南。湘鄉人。奔走革命十年。余一晤之。海上辛園再晤之。南都白宮三晤之。吳門植園每晤必殷勤問訊。如晨夕交焉。今年春率衆攻長沙。僞將軍行署事敗。爲湯薌銘所捕。剖腹而死。烹心肝以饗士。云屠腸儕聶政。把袖失荆卿。成敗空天問。精誠貫日明。哭君今夕淚。知我舊時情。

衡岳荒荒峙。湘波怒豈平。

哭顧錫九烈士

君諱振黃江蘇阜甯人。虬髯繞頰。觥觥如武夫。辛亥山陽周阮之獄。虜令姚榮澤跳走南通。南通有大猾張警。昆季實卵翼之。君率江淮子弟痛哭來海上。頌冤于陳吳興。磨下獄始平反焉。滇黔事起。日夕從韓恢謀舉義。江北會張警者。復謬爲通款書來招君。馳往伏龍。輦十八人與俱。至則駢戮之。傷已

一斛包胥淚。秦庭泣鬼雄。如何萸叔血。終遣灑南通。亂世無人道。羣凶有狗功。憑誰問遺恨。嗚咽大江東。

哭楊伯謙同學

華涇同弔慰丹墳。急雨孤舟盪夕氛。

紀丙午海上讀書健行公學時事首七字借巢南句

一別蹉跎成永

訣。半生涕淚感斯文。春風桃李天原妬。大地荆榛鬼亦辛。哭過滬西城外路。雲

間宿草恐全湮。

公學舊址在滬西門外雲間趙拜一亦同學中年少早夭者

哭華子翔同社

趙生。

厚。生去國馮生。沼死。獨向吳門哭。此人。

余始識君子沼清座上。其訂交則厚生爲介。

一傳遲迴猶

待草十年交誼奈成塵。姚江已信文堪繼。

君夙慕黃餘姚之學手輯南雷文鈔若干卷有敍見南社集中賈傳

終傷命不辰。淒絕梁溪歸骨地。輓歌才盡只長呻。

春航將去杭州詩以招之兼柬小雲天聲

棖觸離懷我未休。匆匆君又別杭州。十年萍梗關天命。三月簫韶與俗仇。已分賢豪同末路。卽論歌舞豈長謀。龍生范子都無恙。倘放分湖一葉舟。

寄少華甬上四首卽效其體

虎步龍行屬寄奴。

伯先

一時瑜亮有黃鬚。

秋葉

論才自合空餘子。薦士何由到腐儒。

標榜聲華原忝竊。死生交誼敢模糊。勞君緘札殷勤贈。翻遣撐腸百感俱。

交臂相期失虎丘。

已西冬南社雅集虎丘君約厚生偕來已而不果

六年舊恨絮從頭。江東孫策終無

命丹淮海元龍。尙有樓蘭擊。筑人從座上散。吹簫客向市中留。新亭痛哭成何濟。鑄錯徒聞更六州。

素車白馬語悲涼。文字因緣水一方。

秋葉出示君詩有素車白馬一聯是爲吾兩人訂交之始滄海橫流新

涕淚中原傳檄舊。詞章西冷風月娛殘客。

秋葉碑蘭並客杭州北府松楸冷夕陽 伯先歸

已四稔矣越角吳根千里遠。一回凝望一思量。

男兒舉足繫安危。三十成名尙未遲。起陸龍蛇終有日。處堂燕雀欲何爲。狂奴故友劉文叔。髯客新交李藥師。拔劍爲君遙起舞。海天如墨雨如絲。

寄白丁不識展庵杭州

仲季難兄弟。元方况大賢。三張應減價。兩到敢爭妍。酬酢勞君瘁。猖狂解我憐。西冷拚一慟。熱淚灑樽前。

嘉惠堂中籍。琳琅重百城。楚弓雖得失。寶桂自崢嶸。好客傾劉釀。傳經鑿晏楹。清門兼碩學。氣類感平生。

十日同游地。能尋舊夢無。南湖經別墅。雷峯塔下舊名小南湖寶石瞰浮圖。未

立吳山馬。難忘曲渚蘆。西溪歌欸乃。烟水兩模糊。

異代陳頤道。當年馮小憐。誰携一片石。來樹墓門前。好事君無匹。題名我有緣。

遙知風雨夕。靈爽拜嬋娟。余以春航題名事立石孤山小

哭子美

生死經年別。幽明兩黯然。生天原誕妄。墮地有悲歡。菊影翻新譜。梨雲剩舊編。素車慳一弔。泉下倘相寬。

哭勇忱

十載知名姓。重逢及此辰。笑談方款洽。羅網已彌綸。口吃憐同病。名高竟殺身。昭蘇如有日。廟祀在湖濱。

桃梗去不復。篋篋怨渡河。十年剩皮骨。一夕死風波。亦有南冠士。重悲北道羅。

茫茫仇與呂。微命又如何。時聞冥鴻天

民咸被遠

少年一首

少年書劍縱橫意。老矣浮名安用之。逃世豈真甘落莫。佯狂聊以慰妻兒。稽生柳下曾無鍛。楊惲南山尙有詩。十斛醇醪澆不盡。填胸塊壘一行尸。

哭冥鴻

娘子關前氣吐虹。石家莊畔哭秋風。九原若遇吳雲夢。新鬼煩冤故鬼雄。

識荆說項未蹉跎。草草尊前一放歌。甯戚天亡楊惲死。舊人今日已無多。元年春識

君于太一席上時性恂亦在座今三人咸以國難死矣

眉若詩選

沈昌眉字眉若江蘇吳江人今錄詩五首

和弟

丙辰三月暮。烽火連三吳。南軍與北軍。棋局爭贏輸。北軍豺當道。南軍虎負嵎。苦哉旅行人。將進足趨趨。不幸遇北軍。強迫役爲奴。閃閃刀矛隊。磷磷輜重車。

低頭受鞭策。服輓如馬驢。羸弱不任事。性命鴻毛如。弟也客梁谿。南北衝要區。薪木縱無毀。圍城不可居。先去爲民望。亦以尊師儒。歸家才三日。親朋正歡呼。誰歎促之返。僕僕荆棘途。蜚語遂以起。所語人人殊。或謂溝中瘠。或謂江上逋。或謂籍黨人。萬金購其顛。或謂下牢獄。九死樂其軀。家人聞此語。涕淚沾衣裾。親朋聞此語。相對各唏吁。豈知弟出門。一路安且舒。朝發自蘆墟。日午抵閩胥。鐵軌通梁谿。百里馳斯須。適館授之餐。升斗日有餘。夜夢五色筆。日擁百城書。攫人無魑魅。禦人無萑苻。笑彼悠悠口。此語何來乎。衆人殺太白。海外傳大蘇。文章遭人忌。今古若合符。吾生常落落。與世相齟齬。甯聞背面詛。厭聞當面謔。人患無知己。忌吾亦知吾。與子爲兄弟。奔走各饑驅。歲歲離別多。夜夜夢魂俱。道路有傳聞。傳聞皆子虛。夏暑休假歸。對牀臥一廬。殘月挂夜光。照見弟眉鬚。白日升朝旭。照見弟髮膚。髮膚與眉鬚。一一毀傷無。置酒爲介壽。對飲傾百壺。天未喪斯文。匡人其如予。

一厂一別兩年得其近作如見故人囑和題畫詩率成兩絕天寒日暮藉
通音訊不計工拙也

有詩有畫儘風流。世換人移何處求。得此何須論眞贋，故鄉文獻好存留。
游倦歸來好讀書。依山傍水結茅廬。開圖笑語林和靖，權當孤山處士居。

穎若有寄亞子紅豆之作步原韻和之

子由篤友誼。獲交柳子厚。贈物亦風雅。贈詩更清秀。求物惟求新。求人惟求舊。
卯角一相交。貞盟訂白首。瓊瑤亦非珍。木桃亦非陋。託物寄相思。恍見古人又。
紅豆生南國。采采相分授。朝入黃葉村。暮登白雲岫。采之不盈掬。藉以通問候。
當日故人情。卜夜復卜晝。遊子今未歸。冰斷風又吼。前路問征夫。處處歸途繆。
對此增相思。相思不相覩。魂夢乍相通。似嘆沈郎瘦。隣雞催夢回。一燈紅若豆。
元旦試筆示穎若

我生壬申九月底。迄今丁巳正月始。閱歲四十益以六。四十五回元旦矣。齒搖

髮禿暮景迫。此後元旦知有幾。憶自甲申遭孤露。熒熒母子相依倚。薄田不足供一飽。饗飧賴有母十指。夢夢者天不可問。已亥又喪我母氏。遺容在堂警欬杳。每逢元旦色不喜。就中一事差解懷。有弟能文名鵠起。縱使飢驅離別多。年年年底歸鄉里。柴米油鹽置不顧。一燈相對談文史。此樂亦足傲王侯。世間富貴浮雲耳。今年風雪歲朝寒。且復圍爐浮綠蠟。一杯兄弟互爲壽。父母遺體同毛裏。少年苦樂兩人知。此意未可喻妻子。人生百歲會有盡。十年以長當先死。達士非貪身後名。一篇墓志甯容已。出自弟手無虛詞。後之讀者咸稱躋。家人謂我語匪禎。元旦豈宜口出此。不知歌斯亦哭斯。古人頌禱有深旨。生不飢寒死不朽。更有何事邀天祉。

穎若詩選

沈昌直字穎若江蘇吳江人今錄詩三十一首

修分湖志憶及家乘得詩十絕

青霞慷慨進彈章。嘉靖忠臣姓氏香。彷彿天臺方正學。株連十族復何妨。公名錄明

嘉靖朝官錦衣衛經歷劾嚴嵩得禍有青霞先生詩文集

舉室倉皇北道奔。勝溪一水卽桃源。天涯何處非鄉國。且買田園長子孫。余家因青

霞先生之難十世祖子明公自浙遷至吳江之大勝遂隱居焉

樂善家風翁最賢。小橋忽漫遇神仙。無多長物堪持贈。荷葉清香茄子鮮。八世祖日

昇翁性仁慈散財發粟無虛日縣令葉公嘗以樂善好施四字榜其廬翁初無子一日于橋邊遇一病丐體腐爛難近乞翁扶持過橋翁欣然諾之既過丐乃

於籃中出物贈翁芬芳觸鼻乃荷葉包茄子也時丐忽不見翁歸食之遂連生九子一子未成婚卒餘卽東浜老八房也

賈生墮馬竟捐軀。茶蘼艱貞節婦吳。可怪柳州成小識。一村同住有遺珠。七世祖羽

吉公墮馬卒年僅弱冠妣吳太孺人撫遺腹子辰臣公守節數十年清乾隆間旌表建坊今坊猶在舊宅門前沈剛中分湖志中記之柳樹芳修分湖小識獨

載漏

門戶依稀似故鄉。松陵別建素行堂。春來蒹葭秋菱角。雙槳東西往返忙。五世祖心

梵公別建一宅於吳江北門下塘曰素行堂奉母張太孺人以居恐太孺人有異鄉之感宅中庭舍布置一如勝溪舊宅太孺人嗜蒹與菱因春至江而秋返

鄉蓋近域產純而鄉間產菱也

三古堂前土作墩。不堪重問舊田園。叢殘一卷浙遊草。此是吾家碩果存。五世叔祖

思美公分居三古堂所藏書籍金石尊彝之屬甚富今散失無一存者矣惟所著浙遊草一卷行世

澹翁家學富巾箱。自比黃花晚節香。却後可憐無一物。紫袍玉帶落他方。高祖澹圃

翁嗜金石書畫自號晚香子有印曰莫嫌老圃秋容淡猶有黃花晚節香今尚存從叔益鄉處庚申亂後手澤無存近人於冷攤購得端石一方背有銘款曰澹圃鄉臺先生臨池之寶下署楊澹刊蓋吾家物也硯全體紫色中有白紋胷董家識爲紫袍玉帶已以重值購去矣

霞塘仁厚建才寬。各守清芬處歲寒。鷲地紅羊成浩劫。全家依舊避分干。曾祖霞塘

公祖建才公皆仁厚長者曾祖績學能文困於場屋時門祚已漸衰落因令祖輩皆業商庚申之亂曾祖已前卒祖挈全家逃至東玲以後再經遷徙終不離分湖一帶也

先生畢竟是通儒。嗜好酸鹹與衆殊。百不自聊且醫隱。市人能識沈春壺。先父詠樓

府君天資過人又歷與諸名人遊故志趣卓犖不與人同三十後貧病交迫遜於醫改號春壺

反覆丁甯字字箴。寒燈課子到更深。男兒四十無成就。枉負慈親夜夜心。先母周太

孺人撫孤守節余兄弟
均有寒燈課子圖記

徵訪鄉里文獻感賦

分湖文獻盛當初。苦我遲生已劫餘。妖火燒殘淩氏稿。莘廬所藏書籍稿本都付一炬破箕畚

出迓家書。迓氏老嫗用破箕畚五川青。東江葉楚倫嘗仿午可堪再吊堤邊夢。夢堂遺址續分堤吊

何處重尋池上居。迓三江池上草堂今太息駒光難倒駛。兒時猶及見莘廬。

丁巳消夏雜咏

閒將文獻細商量。三兩書痴友會忙。隱約葛衫籠字紙。阿兄又著好文章。日與兄長

公及二三同人搜攷文獻兄每有所撰輒置之衣袋中葛布稀疏隱約可辨也

先人世德誦清芬。代遠年湮賸舊聞。十首新詩譜家乘。居然吾亦欲云云。

等身著作皆千古。六代文章聚一廬。飽閱袁家書幾種。卅年不負北浜居。于長公處

見袁氏書稿及家乘得悉菊泉至若思六代著述余家所住北袁家浜係袁氏祖墓所在浜卽以此得名

一編借得五川書。錄副連朝手拮据。鄉里舊聞情獨摯。五篇以外盡刪除。鈔迓

文殊不耐煩。僅錄有關鄉里舊聞者五篇。

殘稿零星發舊藏。吉光片羽盡芬芳。兩家畢竟錚錚者。吳子雲璈袁稻香。一月

得鄉先老遺詩甚多。吳雲璈鳴鈞盍簪。居詩稿袁稻香寶秋牧笛吟尤推作者。

笑翁醫外復工詩。慟哭東陽淚似絲。零落故聞存幾許。寫來猶見古鬚眉。記外祖周

笑梅翁遺事一首。翁工醫。暇好吟咏。有哭先君詩兩絕。尤沉痛。

老友鄱陽一棹還。清談幾度叩柴關。神龍不是池中物。安石前朝又出山。龍筆歸見

訪聚十餘日。今又至贛矣。

經旬不寄河東信。下筆逡巡難復難。却喜故人書日至。長公看後次公看。與亞子不

通信將匝月。然長公處日有亞子書至。余無一不預觀也。

絕妙生花筆一枝。張華才調十年知。偶然七字相投贈。賺得琳瑯兩首詩。魏塘張子

天放傾心十餘年矣。一日相見。董蓉申家座上投以七字句。一絕得答詩兩首。

尺書鄭重命題詞。爲道歐陽有母慈。觸我十年風木痛。一章一淚四章詩。梁谿顧述

之寄春暉小識命
題爲賦詩四章

婦病經年不自支。藥爐烟細颺輕颺。聊從肘後搜方劑。可笑書生又習醫。
有女垂髫方十四。讀書差喜未模糊。偶將詩句教吟咏。亦是慰情聊勝無。

寄龍聖江西

龍君美風儀。濯濯春柳姿。少時每戲君。比之好女兒。甯知鴻鵠志。不爲燕雀窺。
負篋遠游學。十載志不移。春風馬蹄疾。兩度游京師。學而後入政。一官峽江馳。
峽江號强悍。君曰吾能治。百里古侯國。是豈不足爲。頗聞父老語。使君來何遲。
難得使君至。能以廉自持。劉寵選一錢。楊震漂四知。冰心貯玉壺。清不受塵縑。
我喜聞此語。更爲進一詞。憶昔陸中丞。清名噪當時。湘江一杯水。夢中且成詩。
此風久闕寂。君也好繼之。益願矢清白。上與古人期。他日記里乘。先後相追隨。
百年兩廉吏。輝映分之湄。

憶我弱冠時。與君同乘舟。我忽發狂語。慷慨誓中流。謂越十年後。當不守故丘。

君但笑不言。皮裏作陽秋。荏苒十五載。君已得一州。而我復何似。仲宣空登樓。自與君別後。二載錫山陬。秉性實耿介。與世鮮相投。文園夙多疾。平子復工愁。少年英銳氣。頽喪無一留。世變况日亟。吾生復何求。雖無陽羨田。願言早歸休。分千水一曲。其地清且幽。賃得伯通廡。不更營菟裘。素心二三子。晨夕相唱酬。詩書夙所好。一一勤探搜。崔鑣五千卷。亦足傲王侯。吾志但如此。彷彿馬少游。此願且未遂。何以寫我憂。回憶舟中語。盛衰迴不侔。還以告故人。知復一笑不。

丙辰立夏前五日赴錫時錫邑兵事甫平里中喧傳予已被殺作此追記

之

衆人皆欲殺。我聞李謫仙。亦有東坡翁。死耗傳海邊。笑予復何人。亦醪同二賢。百里蘇錫道。我行實安便。何來不根語。謂已溝壑填。甯知梁溪水。風波正恬然。我至日已晚。明河耿中天。笑指舊居處。電火明樹間。僮僕遠迎我。欣然爲執鞭。及門遇諸生。開口含笑顏。一揖問我安。依依隨我肩。故舊喜我至。相與話燈前。

爲道數日間。靜掃無烽烟。明日且相約。重飲惠山泉。我本愚不寐。是夜獨安眠。優遊錫山下。至今又半年。詩書得自適。心志常寬閒。精力日回復。舊恙次第痊。恐此數載內。未遽了塵緣。可憐里中兒。市虎相譁傳。妄言復妄聽。一聲百影連。今日我返里。猶爲慶生全。我自真我人。言故無嫌。蟲臂與鼠肝。一任倒與顛。殤子及彭祖。齊物本無偏。一笑紛紛者。於我何有焉。卽此悟至理。且讀南華篇。

題美人對舞圖

翩然相對舞春風。婉若遊龍迅若鴻。一種柔情誰得似。趙家姊妹漢宮中。

題樊少雲畫米顛拜石圖

茫茫濁世間。抑鬱誰與語。惟此數片石。是我烟霞侶。再拜禮爲兄。兄或不我拒。回看兄何如。點頭深相許。

題沈紀常傳

沈君紀常以世家子茹亡人痛憂能傷人竟戕其身讀蘇華女士所爲

傳良可唏已然猶幸有妻能文其生平苦行得卓卓傳述于人口沈君
于是乎不死余既哀君之遇尤感女士之不忘其夫爰綴一絕于其尾
二十餘年往事長從頭歷歷話淒涼未亡人筆亡人痛密字千行淚萬行

贈董蓉生君精醫術并喜爲詩

分水新人物廬山舊隱居種成千樹杏讀破四家書

醫家以張劉李朱爲四大家

往歲涼生

後。孱軀瘦損。幾回勞命。醫得病相如。

家世肱三折。文才筆一枝。養生中散論。寫意樂天詩。醫國原名手。詞場亦大師。
秋來吟興健。應斷數莖髭。

治民詩選

蔡寅字治民江蘇吳江人今錄詩十六首

瞻園次漸盒韻

瞻園爲明中山王邸第即前省行政署

雷頤世局不堪論。勝地重經弔白門。一代園林歸鹿夢。百年風月付鷓魂。故家

何處滄桑感。往事無邊煙樹痕。畢竟南都王氣盡。興亡曾有幾寒溫。

題秋鳥秋花畫幅

盤雲健翮今何在。萬里風煙夕照賒。戢羽枝頭吾勸矣。且留晚節伴黃花。

讀柳古楂先生養餘齋詩集及韜廬先生食古齋詩錄得一絕句

河東詩族盛當年。老將開山紀律嚴。後起韜廬占一席。盤空硬語落毫巔。

大錯

大錯烏能鑄六洲。中原借箸爲誰籌。倚天衛霍勳名穢。滿地申韓道德偷。入海魯連羞兩帝。出關李耳自千秋。太平洋岸潮流起。吹上蓬山第一樓。

贈黃喃喃

維摩說法幻天女。燕趙悲歌眞少年。塵海蒼茫容我住。漢家臣朔小遊仙。懸河之口粲蓮舌。跌蕩東西與古今。斗大黃金成底事。英雄俠骨美人心。

游上野博覽會

珠璧交輝近日邊。上清高會敞瓊筵。蓬仙游戲三千界。海客贏奇百萬錢。倒影樓臺金碧水。嬉春裙屐綺羅天。五光十色心魂醉。米錦歐花各鬪妍。可憐風月太平年。祇許今生海外緣。不忍池邊春潑灑。通天橋上客蹁躚。三千弱水曾經眼。十二瓊樓笑拍肩。的的明燈真不夜。萬花叢裏賽嬋娟。

題琉球竹枝詞

不成雄豔不風流。海國尋芳紀舊游。神女淩波工寫影。宓妃出水尙含羞。銀潮滿泛槎通漢。紅豆枯拈夢欲秋。淒咽琵琶天寶後。幾多軼史被君收。整頓生花筆一枝。繪聲繪影寫新詞。伊誰解語春雲殢。眞箇銷魂夜月遲。孤島如拳香滿國。愛河似海酒盈卮。後庭豔曲何人管。商女年年怨別離。是鄉豈必號溫柔。一角河山歌舞休。蛺蝶裙邊春潑灑。鴛鴦枕畔語鞦韆。漢皋環佩神仙遇。江上琵琶商婦愁。惆悵曉風殘月候。依稀我亦夢琉球。琉球山色故青青。豔福都君滄海經。紙上春痕所蝨蝕。尊前綺想感犀靈。九天

咳唾珍珠價。一卷騷歌蘭蕙馨。收拾奚囊清麗句。蓬萊仙語我曾聽。

丁未歲除

逝水年年東海東。蓬山翹首碧翁翁。青痕一髮春雲墮。辜負瞳瞳旭日紅。
東風吹綠占春先。贏得瀛洲劫外天。簇簇蓬仙小兒女。朝彈羽子夜揮絃。
萬千牢落感中宵。潦倒征鴻骨已銷。再拜申韓無我席。擁書高臥聽春潮。
鄉音珍重抵瓊瑤。忍此枯禪海外僑。百劫修成終了了。黃金華髮任飄蕭。

楚儉詩選

葉葉字楚儉江蘇吳江人今錄詩五十三首

和倉海秋懷八首

風急江天秋雁過。拼擋詩意慰蹉跎。南中工部傷心慣。客裏司勳斷夢多。喬木
陸。濃。封。殿。宇。孤。臣。眼。下。舊。山。河。淒。涼。法。曲。人。間。絕。何。處。重。聽。側。調。歌。

相如去後璧誰歸。塞外羽書午夜飛。割却珠崖屏已撤。生擒闕氏願先違。草衰

荒漠秋容瘦。風滿長城。趙幟肥。昨夜傳聞胡馬入。可憐閨婦。尙砧衣。
當年幾社起雲間。絕嶮迴峯。赤手攀湘水。魂歸新別。怨吳江。軍失舊威。顏霸才。
如此投鞭。水壯志。輸他墮淚山。日暮海濱閒。眺望荒江。漁父一身閒。
南州秋信底遲遲。籬畔花。愆隔歲期。可是爲郎羞不起。應無憐我病支離。酒腸。
未盡樽中淚。勁節猶存霜後姿。一片春光成宿夢。幾曾聽到賞花時。
四萬萬人盡楚囚。不堪劫後寄神州。金陵王氣隨旄落。匡水哀聲夾浪流。擊鼓。
軍前騰萬馬。笙歌大內祝千秋。呢喃開寶興亡事。一部閒文供白頭。
齊雲樓壞躡雲斜。恨匝山巔與水涯。前席未聞虛賈傅。中庭無復喚吳差。石留。
端禮碑文冷。光透豐城劍氣華。黃帝不靈維柱破。秋深故未見黃花。
東嶽難封司馬文。北門先上犒牛勳。井中史出心匪石。海上龍傷血作雲。儘有。
金甌燬一角。可堪椽筆掃三軍。孤鴻中夜幾聲唳。月死風悲不忍聞。
秋到深時景物蕭。洞庭木葉舞寒飈。一燈婉轉詩思劇。萬里遐荒歸夢遙。錦障。

空餘揚子路。孤墳付與浙江潮。九州鐵聚神州後。一錯從今不易銷。

夢吳江行

冬夜之午夢身在舊城守吳江時城外圍敵以數萬計累月未破繼聞蘇浙相次淪陷孤城殘壞兵無鬪志遂爲敵乘惘然出城兵不滿百思奔赴行在又不得達大哭而醒

千騎萬騎夾危堞。吳江城外陣雲疊。將軍叱叱動風雷。大旗血濺書成葉。擐甲昂頭目四曠。只見先王不見身。周堙大呼殺賊樂。手揮鐵椎如車輪。此時胡兒亦天矯。飛梯百丈環城倒。河水嗚咽不成流。新紅慘綠離離草。忽聞羽書自東來。武林今夕成蒿萊。錢塘三日潮聲死。千門萬戶生塵埃。戰士驚失東南臂。將軍功業漢家地。西風瑟瑟角嗚鳴。淚聲血誓陳忠義。當時安史亂炎唐。睢陽烽燧燭天狂。美人血作軍中水。孤城獨擋夏夷綱。金陵王氣况未銷。諸君且爲朝廷保。勞師久頓糧不繼。背城一戰乘他老。軍士稟命曰唯唯。此身誓與吳江碎。

烏騅奮鬣嘶嘶鳴。若云敬聽主人誨。士夫敵愾久不張。游奔背嵬今鷹揚。君王不向鼎湖去。馬革何處非疆場。朝從太廟負矢出。暮挾胡俘北門入。臣力已盡天不知。狗兔又上沼吳策。嚴城百尺夕數驚。更聽劉琨羌笛聲。鷄肋未傳新號令。馬嵬已失舊軍營。嗟我一身不足惜。朝廷何以恢前烈。蒼然含淚出門去。餘骸當臥先王側。道逢漁父爲我語。江東豪傑今無主。一戰不勝捲土來。河山留君爲孤注。嗚呼河山留我爲孤注。

庚戌紀事二十二首

葉家埭外碧波洄。正月初三訪墓來。白首村姬知野史。臨風遙指小池隈。豔蹟難稽北翊名。佳人交臂失卿卿。如何不及真孃墓。死後還留撮土情。蘭橈輕試夕陽斜。南望分湖傍紫霞。徹夜燒燈釣月舫。可知杯酒卽天涯。浙浙輕風上古堤。白蘆川後又紅梨。傳觴別具名流意。不爲歡娛爲慘悽。松陵文獻盡琪琚。一代風流翫蠹餘。還我小疎香閣傳。雙紅燭下拜安如。

徵酒初停射覆杯。雙扶殘醉上琴臺。御街十里梅花障。幾輩青娥肅駕來。
輕塵淺襯富平車。六市春深護若耶。簾底笑逢雙了髻。爲他傾國送名花。
白蜺江頭春水生。離魂初妥又長行。淒涼總帳音容杳。未到清明先薦羹。
阿母縫衣耐夜寒。稚妻侍從強爲歡。臨歧遲早須離別。不許回音仔細看。
鯨波萬里壯圖南。擊筑人來酒正酣。一夜樊樓燈火下。杏花春雨遇朱三。
雲間陳生天下士。十年湖海證相思。未醉大難同痛哭。且上酒家盡百卮。
黃海風雲南海濤。羣龍迢遞送人豪。一天星斗墮蒼水。百丈樓船建耀旄。
二月南州春已深。紅綿花下午沈沈。念奴嬌後黃金縷。一夜笙歌兩處心。
八閩正氣未銷亡。白首邱郎老更狂。百六國魂招不得。殘編賸墨紀唐王。
蘇臺人去翠巢空。天末風情解惱公。徹夜張燈傳酒吏。此生未許老新豐。
海上幾回人送客。天涯中夜酒爲妻。酒來飛入吳宮夢。腸斷一聲烏夜啼。
說部我輸李賁夢。小戎離黍出詼諧。維揚秋信無憑據。證入梅州遊子懷。

茉莉雙珠記宿知。一燈秋雨女兒癡。銀鈎銀燭銀屏畔。薄醉扶妝上壽時。
宗國今生欲問天。五胡甲子亂編年。吳江軍氣輝星斗。遺烈新徵王問篇。
河側龍泉一勝遊。輕風霽日渡蓬洲。老僧何與興亡事。隆準豐頤識黑頭。
先拜前王後祖先。微生今祝髮三千。爲他耳鬢厮磨。擘悞我塵寰廿四年。
梅花江上三分白。心事中年總行役。一杯冷酒送黃昏。人間今夕是何夕。

病意

病意無端至。簾輕覺薄寒。燈孤心宛轉。蛩冷雨辛酸。久渴才非馬。中年鬢未潘。
如何鎖起臥。橫豎不成歡。

九秋詩

西風瑟瑟漢家營。砧杵無端笳鼓聲。萬里沙明盤馬塞。雙旌月冷受降城。開邊
天子擅神武。盪寇將軍寄死生。中夜忽傳新號令。亂拋閨夢踏燈行。戊秋
細細欄紋薄薄羅。一燈心事奈愁何。蕭條雞店風和雨。斷續蛩階泣復歌。惟有

夢魂遮不住。卽分花影已無多。閨中更切征人怨。斜對銀河憶黑河。

秋窗

懶散梳粧冷熱香。一聲雁唳九迴腸。行人更在斜陽外。妾夢不如金線長。可有歡情羈別緒。悔教鷓鴣悞鴛鴦。朝廷徵到花家去。便爲私情走一場。

秋閨

燈城雪窖木蘭橈。念四橋頭舊玉簫。野水金杯三疊令。曉風牙拍六絃么。銀槎偷許張郎渡。碧海閒將素女挑。劃段鴛鴦水歸去。明眸雙剪一魂銷。

秋舫

雨雨風風一杯酒。差堪盪氣與迴腸。湘靈山鬼三閭醒。末路窮途阮籍狂。楓不

飲秋

禁紅頰醉葉。菊分餘色入清觴。生涯自古同淪落。捉月江頭吊夜郎。

望秋

天階戎馬倉皇色。亂襯山河入眼來。迴樂峯頭雙雁落。洞庭波外一帆開。誰成誰敗悲餘子。幾帝幾王付劫灰。風景不殊休舉目。夕陽衰草事堪哀。

病秋

爲有靈和解舞肢。蕭蕭無復舊丰姿。偶療世俗栽霜菊。算近天香服桂枝。風雨茂陵魂旖旎。蒿萊河朔地瘡痍。中宵愁緒難成夢。簾薄燈寒坐片時。

病秋

飄零遮莫與君同。岑寂關山行李中。一抹斜陽紅葉渚。五更殘月白蘋風。唧聲

自過瀟湘去。有字如何碧落空。塞外卽今馬肥健。好排奇陣助人工。雁秋
舍南舍北稻香天。預祝家家大有年。短簿祠前清道鼓。打牲場畔趕蝗鞭。浣紗
孀子花簪鬢。逃學兒童肉在肩。此樂只應天上有。山東萬戶正顛連。秋社

書壁雲集二十八字

賈午何嘗袖異香。枉教韓掾費平章。歌場我有春秋筆。此是東家杜十娘。
得午夢堂集遙酌分湖

春波初醮一枝痕。靄靄人家三兩村。菡萏塘前仙子墓。獨留殘碣鎮詩魂。
鳳馭鸞驂列上仙。天宮新錄左思篇。瑤池黃竹初傳響。已閱人間三百牛。

春暮集樸學齋

鐵心擔道義。胡子是吾師。憂患難爲客。心懷未可知。市樓春酒熟。盛世故人稀。
皓首崇明德。文章各自期。

陶然亭

瓊瑤城南路。秋皋欲暮天。平林歛夕暝。荒渚冷寒烟。前哲不可見。市聲去杳然。瘡痍滿京洛。冠蓋自翩翩。

胡姬

落盡春風露井花。新翻髻樣學垂椎。自言歌舞胭脂巷。不及琳琅天子家。

香塚

一代名姝委露蕤。柳絲猶似鬪腰時。夕陽紅上靈芬路。仙袂香裙總未知。

書王子宮駝記後

玉帛開關動客師。一時漢上盡諸姬。千官春殿新朝禮。萬壽桐棺故主尸。入洛才人能感舊。過江天子是痴兒。風流十代無遺愛。誰解西台痛哭詩。

曼殊行矣作一律送之兼示燕謀

薔薇落盡浮槎去。地老天荒渡海來。曲巷宵傳扶酒夢。中年文燼劫時灰。一時泉石皆勳戚。曠世因緣寄酒杯。西去江頭諸故舊。爲言我馬已虺隤。

送右任行

高秋寥泐一鞭橫。如此河山又送行。十載相依爲急難。一生何以慰賓朋。斜陽衰草新埋骨。老地荒天未解兵。我欲強撐雙眼淚。看公盤錯起經營。

題芷畦水邨第五圖

樓船蓋地起巖疆。正氣東南已淼茫。剩有湖山供老去。偶添赭黛動滄桑。百年廢壘成新市。一例荒江送夕陽。消受人間幾治亂。吟邊雙鬢白於霜。天末星辰動卜居。此生憂患種詩書。人間涕淚能千古。鬼負泥塗載一車。紅蓼秋風當近侍。白衣村酒卽瓊琚。定知劫後文章貴。北翊池亭總不如。

大覺詩選

王德鍾字大覺江蘇吳江人今錄詩三十八首

月夜渡澗湖歌

我被石尤妒。屢把歸期誤。今朝買勇挽舟去。今宵未卜宿何處。打頭之風吹不

住。遙指湖干鎖煙樹。煙樹沉沉日漸低。欲泊不泊沿湖隄。舉酒蓬窗聊遣悶。身
雖在東心已西。忽聞榜人笑不止。蘆邊簌簌東風起。東風吹出月瓏玲。一輪照
耀平湖平。我行原不憚宵征。掛起蒲帆十幅輕。三千世界放光明。廿六里路飄
然行。烏鵲驚飛且鳴。魚龍欲睡睡未成。渾疑身忽來滄瀛。金光壁彩眩雙睛。
又疑張騫今復生。乘槎直犯牛女星。前望後望天如晶。中央獨自揚孤舲。似此
奇景從未經。恍如魄濯冰壺清。洗盞更酌倒玉瓶。豪飲不讓吸川鯨。隔浦遙聞
漁歌聲。忽然引起滄浪情。瞬息渡湖近二更。回頭一派水盈盈。乘興還家詩思
發。腕底清詞來汨汨。一片性靈何活潑。胸頭朗印湖心月。

落花篇

東風吹到曲欄曲。簇徧千紅與萬綠。參差池館閑春聲。滿目雲霞香萬斛。綺情
麗緒百花中。今日徒憐昨日紅。無數繁華春九十。鶯花老去何匆匆。回首花容
未憔悴。煙條露葉盡增媚。紫燕簾中羞見影。鬱金堂上總輪態。一自飄零逐幻

塵眼中都是可憐春。別有佳人年最少。滿目芳菲對花惱。今歲花開顏色好。來歲花開顏色老。落花落花可奈何。滿目香塵別緒多。華林金谷復何有。長江汨汨山峨峨。

十九歲述懷十章

落拓浮沈十九年。頭顱如許總堪憐。忍看亡國剗雙目。夙願匡時仔一肩。未溺死灰仍帝制。難將熱血換民權。牀頭三尺龍吟夜。忽夢沙場枕月眠。欲把文章救國魂。毫端鐵騎似雷奔。平生適意書千卷。萬古牢騷酒一尊。得失渾忘墮下鹿。餐眠應笑柵中豚。瀟瀟風雨秋燈碧。夜半文成是放猿。願把雄心付狗屠。窮途志士似狂奴。讀騷飲酒由名士。擊劍吹簫是丈夫。筆墨已成空議論。江山未許戀蒹蘆。深宵悄向龍泉誓。滄海橫流敢惜軀。檢點青衫血淚盈。匣中夜夜作龍鳴。亡羊往事嗟何補。歷鹿孤蹤感易生。中酒詎應銷傲骨。惜花聊藉寄閒情。如何一近彈棋局。便覺中心有不平。

自分微軀溝壑填。男兒那肯老青氈。百年誰料此身後。萬事難堪是眼前。國難
方殷拋蠶簡。民仇未報祝龍泉。等閒忍却滄桑淚。來種要離冢畔田。
匡時揮盡魯陽戈。天意如斯奈若何。願逐獨夫拋性命。但教漢冑保山河。只愁
四海英雄少。漫恨一身涕淚多。落日蒼茫酒欲醒。高歌擊筑說荆軻。
狂生孤憤總難平。且向隴頭效輟耕。北路方驕人得意。南風不競我無名。未施
掌上三分策。辜負胸中九伐兵。夜半紛披亡國史。腥風血雨哭神京。
男兒憂國不憂貧。嘗胆臥薪志未申。豈信蒼天終覆漢。還期楚士或亡秦。當爲
效死沙場鬼。忍作偷生歧路人。惜問寶刀兼自問。殺身何日始成仁。
年來王粲怕登樓。膽水殘山滿目愁。大錯已成添國恥。寶刀未試爲余羞。愧無
才力驚時輩。猶有豪情結酒儔。殺盡民仇痛飲日。斂筵飲器是人頭。
偷生草野學行尸。潦倒新亭酒一卮。去國那堪多事日。還山偏在少年時。批龍
探虎知無我。投筆荷戈更有誰。中夜聞雞含淚起。濡毫狂寫述懷詩。

亞子以酒後之作見示謹步原韻報之

少年意氣薄詩奴。結盡江湖遊俠徒。豎子偷功成將相。英雄屈志老菰蘆。平生斷送書千卷。萬事安排酒一壺。會約梨村明月夜。狂歌痛飲與君俱。

屢蒙函招
余期以六

月中句

和悼秋醉後之作

醉後狂歌吊落日。夢夢天地我清醒。傷時壯士劍花燦。死國英雄燐火熒。不少哀吟寄楚澤。儘多奇淚灑新亭。書生曾把陰符讀。亦願荷戈出井陘。

奉和朱劍芒述懷兩律卽用原韻

寒笳驚聽月中吹。難向鷓鴣覓一枝。爾我倡酬亡國日。江湖歌泣少年時。羞看東壁雄鳴劍。忍讀西臺痛哭詩。澤畔行吟自憔悴。茫茫心事有誰知。神州古國羗羊窺。會見中原賸兔葵。不信江山終破碎。奈無人物定安危。讀書萬卷甯甘隱。磨劍十年大有爲。天意蒼茫我獨醒。頭顱一撫一心悲。

書感十章

獨向尊前唱。纔公蹉跎。髀肉意何窮。氣豪擊劍吹簫裏。才盡埋香葬玉中。莫道青衫多落拓。果然紅粉識英雄。美人肥馬俱辜負。忍聽蕭蕭易水風。深宵場頰拜軒轅。叱起神州古國魂。歷劫難銷壯士骨。窮途易感美人恩。千杯濁酒同卿醉。一卷陰符爲我論。牢記閨中贈別語。血花去換好乾坤。青萍夜吼不堪聞。未策沙場汗馬勳。卿自傾心憐卓帽。我應低首拜紅裙。澆愁須飲劉伶酒。埋骨願傍蘇小墳。侍婢傳來書一幅。蠅頭密字勸從軍。謝汝箴言字字真。閒來一讀一傷神。試粧牕下頻延月。擊劍花前又送春。愧我未爲殉國鬼。憐卿待作墜樓人。他年斬得單于首。來博紅顏一笑嚙。忍把中原袖手看。此身輸與釣屠寬。寧蘭紉蕙腸。先斷中酒傷春淚。未乾綠蠟高燒擬露布。紅裙膜拜祝吳干。玉門關上生還日。織手煩卿解繡鞍。悄對江山淚不乾。謝卿慰藉雜悲歡。典釵何懼黃金盡。看劍忍教綠鬢殘。紫塞

浩歌慶虜馘。紅樓美酒賞刀瘢。少年未遂澄清志。那許憐渠翠袖寒。
忍淚狂吟自訟詩。酬恩報國尙無期。風塵未試誅奸劍。綺閣先裁起義旗。豪士
朝成俠女傳。吳姝暮列黨人碑。閒徵古史求同調。卿愛木蘭我漸離。
誰識吳中俠少年。豪情奇氣酒尊前。醉餘且枕美人膝。醒後還持祖國權。倘得
沙場馬革葬。應如綺闥繡衾眠。一腔熱血千行淚。去博貞珉十字鐫。
歌哭年來鬢欲霜。累卿紅淚日淋浪。訛傳駿骨沽燕市。喜得蛾眉出玉房。金錯
刀如能殺敵。凱旋歌便作催粧。須知彼得城頭鬼。方是蘭閨夢裏郎。
感卿爲我說荆軻。不許男兒被墨磨。繩案拋殘招隱賦。瓊簫吹作出軍歌。未曾
人海舒眉宇。忍向粧臺伺眼波。昨夜閨中有異夢。玉郎仗劍渡黃河。

東陳巢南

寄問申江陳百尺。論詞徵獻近如何。想君客裏有佳趣。掃地焚香寫勸書。
琴言遺葉謝相貽。古誼如君信可師。絕似雲間張琬史。踵門慨借百愚詩。

校讎考據惟君諳。妄事丹鉛愧不堪。王儉集傳須程昉。引端鴻箸待巢南。
漁邨消夏四絕

水榭風亭夏亦涼。黃庭閒寫兩三行。摘將茉莉循檐嗅。幾樹蟬聲噪夕陽。
鎮日偷閒書亂堆。簾簾悄下睡魔催。叩門驚破蘊蘊夢。知有鄰童送酒來。
傍溪小築避威炎。水映雲牕竹映檐。晚雨乍停風又寂。敲棋催月上疎簾。
銜杯笑對篆烟斜。醉後詩成寫扇紗。悄聽一番新雨過。疎籬扁豆吐秋花。

禊湖登中立閣

鐘聲縹緲夕陽斜。幾處樓臺鎖晚霞。笑我登臨中立閣。只看落葉不看花。
中秋泛燈詞

花香酒霧度中宵。姊妹成行舉手招。燈影歌喉明月下。畫船剛出太平橋。
十五盈盈兩鬢丫。窗間徙倚細腰斜。看人畢竟防人看。粉面羅巾一半遮。
宵深月淡露華浮。薄袖禁寒無限愁。欲弄玉簫還放却。有人倚扇在船頭。

去歲鄰舟側帽人。背燈授意贈羅巾。爲郎憔悴腰支損。怪底秋衫不稱身。
劍芒詩選

朱慕家字劍芒江蘇吳江人今錄詩二首

感懷

青衫習習晚風吹。淒絕江干笛一枝。客邸蕭條春盡夜。愁懷浩蕩夢醒時。十年
病瘦燈前影。半壁塵封醉後詩。擲碎瑤琴焚筆硯。姓名恐怕被人知。
曾把人情冷眼窺。芸芸絕似向陽葵。江山無主吾身賤。狐鼠成羣國事危。劍不
誅奸磨亦負。書難濟世讀何爲。憐他屈子遭謠詠。澤畔行吟祇自悲。

一飄詩選

費公直字一飄江蘇吳江人今錄詩九首

題天梅藏馮柳東楊柳岸曉風殘月圖

神洲莽莽走趨趕。梅下開樽酒半酣。今日風流還似昔。斷腸詞句憶花南。

文字因緣會有神。花南恨未見詩人。銅琶曲冷風流歇。今日梅廬是後身。
海上遇劉三歸寄一絕

燕子雛成春尙寒。落花似雪罨闌干。年來游興非如舊。紅粉青山帶淚看。

春暮感賦

莽莽乾坤舊念賒。一瓢淪落問桃花。嬉春唱和稗官史。泛宅江湖避世楂。國變
河山成大錯。詩狂風雨賦懷沙。濯纓空嘆滄浪濁。白髮催人淚似麻。

初夏山居二首

麥秋天氣雨風多。入夜輕雷枕底過。蝌蚪成蛙櫻結子。年華似水奈愁何。
韶華九十逝如烟。客裏匆匆又一年。花落杜鵑啼更切。晚風細雨恨如綿。

海棠零落作詩弔之

一夕狂風帶雨催。落英滿地沒莓苔。綠章大負詩人意。紅陣徒勞游蝶哀。無復
夜深燭照。更難魂逐。麝香回。飄零等我堪相弔。明歲枯榮尙費猜。

題瘦坡香痕奩影錄二首

玉臺餘韻勞君集。掌故風華見性靈。兜率何妨遲十劫。莫將香豔任飄零。
搗翠搗紅鬪錦樓。本來花事有春秋。香脂膩粉才人筆。一度銷魂一度愁。
莘子詩選

凌景堅字莘子江蘇吳江人今錄詩四首

呈沈穎若師

分湖吟社昔年開。遺址徒存莽草萊。畫槳尋秋燈上後。珠簾捲雨燕飛回。矮籬
屈曲寒花亂。殘照迷離鐵笛哀。漸覺年時懷抱惡。每逢山水一低徊。

寄十眉

天涯漂泊又秋殘。病酒傷離兩不堪。應被故山猿鶴笑。我偏無計渡分南。

小病二首寄大覺東江十眉胥塘

輕寒薄暖太無端。稍惜溫郎白袷單。別有新詩勞記憶。更提舊事雜悲歡。深憐

此夜垂頭重。漸覺今年約臂寬。一例關情窗燭底。強拈兔管寫人看。

深院無人月上樓。重陽展到已殘秋。阻風中酒年時事。綺思穠情從此休。擁被
儘教人詫冷。題詩深悔我工愁。猶餘叔度來相訪。落日荒荒一再留。指病

悼秋詩選

顧无咎字悼秋江蘇吳江人今錄詩七首

三月十九日酒痴招飲勝家酒館記同子美過此已三年矣感念存沒不
能去懷醉後賦呈同亞子表叔作兼示同飲諸子

良會今朝雜主賓。醪醑開雪又殘春。忍聽鄰笛傷前度。便對黃墟哭故人。往事
似雲雲似水。墜歡成夢夢成塵。酒酣一往情難遣。盪氣迴腸劇自辛。

立夏後四日南社雅集于海上愚園社長亞子表叔將赴焉賦詩送之

裙屐翩翩墊角巾。吟鞭東指滬江濱。琴樽跌宕圖良會。幾復風流證夙因。紅杜
鵑開騷士淚。紫櫻桃熟美人唇。料君此去翻無賴。又向黃墟一愴神。謂感悼

重題亞子表叔分湖舊隱圖即次索子美畫圖詩原韻

主盟壇坫隱菰蘆。

吾叔衆推爲南社社長

文采風流舊釣徒。最是題牋詞雋永。曉風殘月

唱分湖。

湖埭烟雲風景殊。疏香芳雪意踟躕。舊時月色猶無恙。

楊廉夫東維子集云元松陵陸子敬居分湖之

北壘石爲山樹梅成林取姜白石詞語名其軒曰舊時月色

并入蘆花秋水圖。

探微物化隔人天。

圖爲陸子美所繪今子美已物化矣

重展斯圖益惘然。料得草堂狂柳七。夜深

惆悵未成眠。

繼續風騷不世情。碧梧蒼石舊知名。藕苗多處閒門啓。好把漁竿遣此身。

月夜聞笛

酒醒孤館夜迢迢。閒檢牙籤遣寂寥。何處一聲長笛起。隔簾催月上花梢。



國家圖書館



002554449



線

830.8

8473

v. 10

舊籍